

# ახალი ბანათლები

2 - 8 ივნისი  
ფასი 1 ლარი 70 თეთრი

№21 (735) გამოდის 1998 წლიდან

www.axaliganatleba.ge

**ბავშვთა დაცვის საერთაშორისო დღე**

**1 ივნისი**



**სადაც არ უნდა წავიდა,  
საბოლოოდ, ყოველთვის  
უკან – საქართველოში  
დავბრუნდები**

რუბრიკის „ქართველი სტუდენტები უცხოეთში“  
სტუმარია თათია ვაშაძე, FLEX-ის პროგრამის გამარჯვებული,  
ტიხანის შტატის ქალაქ ბურლესონის ჯომუას სკოლის მოსწავლე

გვერდი 4



გამოფანა-კონსტანსია  
სამოქალაქო  
ბანათლების  
კვლევებითა ფორუმში  
გვერდი 2

მასწავლებელთა კონფერენცია  
**მედიაინფორმაცია –  
დამატებითი რესურსი  
ინფორმაციის  
კრიტიკული ანალიზისა  
და სინამდვილის  
შესაფასებლად**  
გვერდი 2

კვლევებითა დასახელებლად  
**დისკრიმინაცია  
სამოქალაქო ბანათლება**  
გვერდი 7

სპორტი  
**სასკოლო ოლიმპიკადა  
ფინიშს უახლოვდება**  
გვერდი 10





ინფორმაცია

# სამოქალაქო განათლების კელაბობთა ფორუმი

მაკა ყიფიანი

28 მაისს, ექსპო ფორუმში, სამოქალაქო განათლების პედაგოგთა წლიური ფორუმის გამოფენა-კონფერენცია გაიხსნა. ფორუმის მონაწილეები, საქართველოს ყველა რეგიონის 400 პედაგოგი, სამოქალაქო განათლების სფეროს სიახლეებს გაეცნო და პედაგოგთა ხელშეწყობით განხორციელებული პროექტების ამსახველი ფოტოგამოფენა დაათვალიერა.

კონფერენციის მონაწილეებს მიესალმნენ საქართველოს განათლებისა და მეცნიერების მინისტრის მოადგილე **ლია გიგაური**, სამოქალაქო განათლების პროგრამის დირექტორი **მარინა უშვერიძე**, აშშ საერთაშორისო განვითარების სააგენტოს წარმომადგენელი **ნინო ბუაჩიძე** და მასწავლებელთა პროფესიული განვითარების ეროვნული ცენტრის დირექტორი **გიორგი მაჩაბელი**.

სამოქალაქო განათლების პედაგოგთა ფორუმის მონაწილეებს საშუალება ჰქონდათ მიეღოთ ინფორმაცია მასწავლებელთა საქმიანობის დაწყების, პროფესიული განვითარებისა და კარიერული წინსვლის სქემის და მათთვის საინტერესო სხვა რესურსების შესახებ.

კონფერენციის დასასრულს გაიმართა სამოქალაქო განათლების წლის საუკეთესო პედაგოგთა დაჯილდოების საზეიმო ცერემონია, მათ გადაეცათ ფორუმის მიერ დაწესებული საპატიო ჯილდო – მადლობის სიგელი და „სამოქალაქო განათლების წლის საუკეთესო პედაგოგის“ პრიზი.

კონფერენცია-გამოფენა ორგანიზებული იყო სამოქალაქო განათლების პროგრამის „მომავლის თაობა“ ფარგლებში. პროგრამას ახორციელებს ორგანიზაცია PH International კონსულტაციისა და ტრენინგის ცენტრთან, სამოქალაქო განათლების პედაგოგთა ფორუმთან და რეგიონულ არასამთავრობო ორგანიზაციებთან პარტნიორობით. პროგრამის ფინანსურ მხარდაჭერას უზრუნველყოფს აშშ საერთაშორისო განვითარების სააგენტო (USAID), მხარდაჭერი – საქართველოს განათლებისა და მეცნიერების სამინისტრო.

**მარინა უშვერიძე**, სამოქალაქო განათლების პროგრამის „მომავლის თაობა“ დირექტორი: „სამოქალაქო განათლების პირველი კონფერენცია-გამოფენა 2012 წელს ჩატარდა, დღეს რიგით მეხუთე წლიური კონფერენციაა. მონაწილეთა რიცხვი წლიდან წლამდე სავსებით გაზარდილია. წელს, ღონისძიებაში 400-მდე პედაგოგი მონაწილეობს. კონფერენცია მნიშვნელოვანი, საინტერესო და მამოტივირებელი პედაგოგებისთვის. გამოფენაზე წარმოდგენილია მრავალფეროვანი პროექტები, რომლებიც მოსწავლეებს სამოქალაქო განათლების პედაგოგების ხელშეწყობით განხორციელებს სკოლის და საზოგადოების საკე-

თილდლოდ. ყველა პროექტს კონკრეტული შედეგი აქვს. აღსანიშნავია, რომ პროგრამა საქართველოს ყველა რეგიონში 480 სკოლასთან მუშაობს, რათა გაუმჯობესდეს სკოლებში სამოქალაქო განათლების სასწავლო პროგრამა და მოხდეს მოსწავლეების მიერ, სამოქალაქო განათლების გაკვეთილზე მიღებული ცოდნის პრაქტიკაში გამოყენება; ახალგაზრდებში სამოქალაქო განათლების გაძლიერების გზით ხელი შეეწყოს სამოქალაქო საზოგადოების როლის ზრდას გამჭვირვალე და ანგარიშვალდებული მმართველობისათვის. მთელი წლის განმავლობაში, პროექტის ფარგლებში, ჩატარდა ტრენინგები, სადისკუსიო შეხვედრები, მოწვევით მრგვალი მაგიდები სამოქალაქო განათლების პედაგოგებისთვის აქტიური საკითხების შესახებ, გაიმართა მოსწავლეთა შეხვედრები კომპეტენტურ ადამიანებთან, 80-მდე მოსწავლე მონაწილეობდა საზოგადოებრივ ბანაკებში და სხვ. წინ კიდევ ბევრი საინტერესო და მნიშვნელოვანი ეტაპი გვაქვს გასაღწეული. დღევანდელ დღეს, სხვადასხვა ნომინაციაში, 34 პედაგოგი დაჯილდოვდება. ვულოცავ მათ ღირსეულ წარმატებას“.

**ლია გიგაური**, საქართველოს განათლებისა და მეცნიერების მინისტრის მოადგილე: „სახიზარულოა, რომ ტრადიციულ დამკვიდრდა და უკვე მეხუთე წელია, ვხვდებით სამოქალაქო განათლების პედაგოგებს, რომლებიც ემსახურებიან ჩვენი მომავალი თაობების, მომავალი საზოგადოების ღირებულებების, დემოკრატიის ხარისხის, ფასეულობების ფორმირებას. ეს ძალზე მნიშვნელოვანი მისიაა – მომავალ თაობას ვასწავლით დემოკრატიას, ვასწავლით საკუთარ უფლებებსა და პასუხისმგებლობას. აღსანიშნავია, რომ სწავლება გადავიდა უფრო მაღალ სტადიაში, რადგან ვახდამ პრაქტიკაზე, პროექტებსა და აქტივობებზე ორიენტირებული. პროექტები, რომლებიც პროგრამის ფარგლებში ხორციელდება, სოციალურ აქტივობაზე ორიენტირებული, რაც საზოგადოების სოციალური განვითარებას ემსახურება. ჩვენ ვხედავთ, წლიდან წლამდე, როგორ ვითარდება მეთოდების გამოყენება საკლასო ოთახებში და იხვეწება სასწავლო სტრატეგიები, რამდენად აქტიური ხდებიან მოსწავლეები და თავად მასწავლებლები. სამოქალაქო განათლება მხოლოდ საგანი არ არის, ეს ცნობიერების ფორმირებაა, მოქალაქეების გააქტიურება, მომავალი საზოგადოების ღირებულებების ფორმირება სწორედ იმ მიმართულებით, რომელიც ყველა ჩვენგანს ხვალ კიდევ უფრო მეტად დაგვაფიქრებს. ჩვენ ვზრდით ახალ საზოგადოებას. სამოქალაქო განათლებით იწყება მომავალი დემოკრატიის სამყარო საქართველოში. ვულოცავ დღევანდელ დღეს ყველა პედაგოგს და წარმატებებს ვუსურვებ მათ“.

**გიორგი მაჩაბელი**, მასწავლებელთა პროფესიული განვითარების ეროვნული ცენტრის დირექტორი: „ჩემთვის დიდი პატი-

ვია სამოქალაქო განათლების პედაგოგთა ფორუმში მონაწილეობა. წლებიანდელი სასწავლო წელი, საკმაოდ საინტერესოდ მიმდინარეობდა. მოგეხსენებათ, დავინწყეთ ახალი სქემა – მასწავლებელთა პროფესიული განვითარების და კარიერული წინსვლის. ეს პერიოდი ყველამ საკმაოდ წარმატებით გავიარეთ. პირველი აპრობაციის წელი მთავრდება, ყურადღებით ვაკვირდებით თითოეულ პროცესს, რომელიც წლის განმავლობაში მიმდინარეობდა. სიამაყით მინდა ვთქვა, რომ სამოქალაქო განათლების პედაგოგები ერთ-ერთი მონაწილენი იყვნენ ამ პროცესებში. ვულოცავ მათ მიღწეულ წარმატებებს. სამოქალაქო განათლების განვითარება რამდენად მნიშვნელოვანია, ეს ყველამ კარგად დავინახეთ. მით უმეტეს მაშინ, როცა საქართველო გადამწყვეტ ფაზაში შედის ევროინტეგრაციის კუთხით და ჩვენი მისწრაფება ევროპულ საგანმანათლებლო სივრცეში ამ კუთხითაც იქნება დაფასებული, რაც ძალზე მნიშვნელოვანია“.

**ნინო ბუაჩიძე**, კასპის სკოლა-გიმნაზიის სამოქალაქო განათლების მასწავლებელი: „სამოქალაქო განათლებას სკოლაში ორი წელია ვასწავლი, მას შემდეგ, რაც ჩვენი სკოლა ჩართო პროგრამაში „მომავლის თაობა“. დღევანდელ გამოფენაზე წარმოდგენილ ბანერზე ასახულია ჩვენი სკოლის აქტივობები. პროგრამის ფარგლებში მოვიპოვეთ მცირე გრანტი პროექტის „წარსულის კვლევა“ განსახორციელებლად. პროექტი ეხებოდა საბჭოთა კასპულ რეპრესირებულებს და მისი მიზანი იყო ახალგაზრდების ინფორმირება საბჭოთა კავშირის დროს მომხდარი რეპრესირების შესახებ. აღსანიშნავია, რომ ჩვენი სკოლა ყოფილი საბჭოთა მილიციის შენობაშია განთავსებული და იმ ადგილას, ნულ სართულზე, სადაც საკნები იყო, კასპულ რეპრესირებულთა მუზეუმი გაგვხსენით. პროექტს ძალიან დიდი გამოხმაურება მოჰყვა“.

**ინგა აბდუშელიშვილი**, თბილისის 150-ე საჯარო სკოლის ისტორიისა და სამოქალაქო განათლების მასწავლებელი, სამოქალაქო კლუბის „მომავლის ელჩები“ ხელმძღვანელი: „პროგრამის ფარგლებში გავიმარჯვეთ მცირეგრანტიან პროექტში, მოვიპოვეთ დაფინანსება, რომლითაც გადავწყვიტეთ, სკოლის ტერიტორიაზე არსებული აუთვისებული სივრცე რეკონსტრუქციულ ზონად გადაგვექცია – დავასუფთავეთ, გავამწვანეთ და სათანადოდ მოვანყვეთ. სკვერის კეთილმოწყობა დახმარება გავვინა სკოლის დირექციამ, მშობლებმა. მოსწავლეებს და მასწავლებლებს საშუალება აქვთ, ეს ადგილი გამოიყენონ სხვადასხვა ღონისძიებებისა და ღია გაკვეთილების ჩასატარებლად“.



## მედიანიგნიერება – ღამატივითი რესურსი ინფორმაციის კრიტიკული ანალიზისა და სინამდვილის შესაფასებლად

ანა ფირცხალაიშვილი

27 მაისს, თბილისის იტალიურ სკოლაში „ცისკარი“, დაწყებითი კლასების მასწავლებელთა კონფერენცია გაიმართა, რომლის თემა იყო მედიანიგნიერება. გაკვეთილები, რომლებიც პედაგოგებმა სხვადასხვა სკოლებიდან მოწვეულ კოლეგებს წარუდგინეს, სამოქალაქო განათლების ინსტიტუტისა და განათლების სამინისტროს თანამშრომლობით შექმნილი პროექტის ფარგლებში ჩატარდა. იტალიური სკოლის გარდა მასში თბილისის №191 და ქუთაისის №14 საჯარო სკოლები გაერთიანდა.

ახალი ეროვნული სასწავლო გეგმის მიხედვით, მედიანიგნიერება ერთ-ერთი გამჭოლი პრიორიტეტული კომპეტენციაა. აქედან გამომდინარე, ნებისმიერი საგნის მასწავლებელმა სასწავლო პროცესში უნდა მოახდინოს

ნოს ამ კომპეტენციის ინტეგრირება. პედაგოგებმა, დეტალური აღწერით, თვალსაჩინოდ გვიჩვენეს, როგორ ჩატარდეს ესა თუ ის კონკრეტული გაკვეთილი და რა შედეგი მიიღეს. თითქმის ყველა გაკვეთილი ინტეგრირებული იყო მომიჯნავე საგანთან, რაც კიდევ უფრო მეტ მოტივაციას იწვევდა მოსწავლეებში და სახალისოს და საინტერესოს ხდიდა გაკვეთილს.

იტალიური სკოლის მასწავლებელთა პროფესიული ლაბორატორიის ხელმძღვანელი **მანანა ბოჭორიშვილი**, მედიანიგნიერების მნიშვნელობაზე საუბრისას, ხაზგასმით ამბობს, რომ „მედიანიგნიერება შეიძლება განვიხილოთ, როგორც პასუხი ციფრული საუკუნის გამოწვევებზე. რა უნდა გააკეთოს მოქმედმა მასწავლებელმა იმისთვის, რომ საგნობრივი პროგრამის შესაბამისი თემების

სწავლებისას აქცენტი გააკეთოს XXI საუკუნის ამ მნიშვნელოვანი უნარის განვითარებაზე. ამ საკითხზე საქმიანი დისკუსიები რამდენიმე წელია მიმდინარეობს. პროექტის ფარგლებში, სკოლაში მიზნობრივი ტრენინგები და კონსულტაციები გაიმართა. მასწავლებლებმა შექმნეს მედიანიგნიერების უნარების განვითარებაზე ორიენტირებული გაკვეთილის სცენარები, რომელთა მიხედვითაც ჩატარდეს გაკვეთილები და კათედრებზე განიხილეს თითოეული მათგანი. პროექტში სკოლის დაწყებითი კლასის კათედრის ყველა პედაგოგი მონაწილეობდა, ექვსივე მასწავლებელმა შექმნა მეთოდური რესურსი და ჩატარა გაკვეთილი. სწორედ ისინი წარდგინდნენ დღევანდელ კონფერენციაზე კოლეგების წინაშე“.

კონფერენციის დასასრულს სამოქალაქო განათლების ინსტიტუტის

პროექტების ხელმძღვანელი **თამარ მოსიაშვილი**. „პირველ რიგში, მინდა მადლიერება გამოვხატო „ღია საზოგადოება – საქართველოს“ მიმართ, რომელმაც დააფინანსა ეს პროექტი. ჩვენ 3-4 წელია ამ საკითხზე ვმუშაობთ, მაგრამ ეს იყო ეტაპი სკოლებთან პრაქტიკული თანამშრომლობის, როცა შესაძლებელი გახდა მედიანიგნიერების განვითარებელი პროცესების ინიცირება. ქართველმა მასწავლებლებმა თავად შექმნეს არაჩვეულებრივი რესურსები – მეთოდური მასალები, თემატური გაკვეთილის გეგმები, ადაპტირებული ტექსტები, რომელთა გამოყენებამ გაკვეთილი შემოქმედებით პროცესად აქცია. ამიტომაც, ჩვენი ინტერესია, რაც შეიძლება მეტი სკოლა ჩართოს პროცესში და ამას სახელმწიფო უნდა შეუწყოს ხელი – სულ დონორების იმედად ხომ არ



ინფორმაცია

ვიქნებით! ჩვენ ინფორმაციის მოზღვაების ეპოქაში ვცხოვრობთ და შეუძლებელია მას- ნაველების რესურსი მხოლოდ სახელმძღვანელო იყოს. ქართველმა პედაგოგებმა, პროექტის ფარგლებში, 40-ზე მეტი სასწავლო რესურსი შექმნეს, რომელიც მონონებულა სფეროს სპეციალისტების მიერ და ატვირთულია ჩვენს ვებპორტალზე - http://medialiteracy.ge/ge/resources. თუ მათ მიერ შექმნილი მეთოდური მასალა, თუნდაც, 100 მას- ნაველებს გამოადგება, კარგია, მაგრამ ილუზია იქნება იმის დაშვება, რომ გამოადგება ყველას - 65000 პედაგოგს. შეუძლებელია ყველას ერთი და იგივე მეთოდი მოსწონდეს, მთავარი მათი მრავალფეროვნებაა. ერთი და იმავე მასალის მომზადება მრავალგვარად შეიძლება. პროექტის ხიბლიც ამაშია, ეს მრავალფეროვნება სახელმწიფომ უნდა ნაახალისოს.

მედიანიგნიერება სწორედ მრავალფეროვნების გზით გულისხმობს იმის შევსებას, რაც სახელმძღვანელოშია მოცემული. ხაზგასმით ვამბობ, კი არ ანაცვლებს, პირიქით, ავსებს და ამდიდრებს. ამიტომ მიმაჩნია მიუღებლად მასწავლებლისთვის აღწერის შეთავაზება, რას ნიშნავს მეთოდური მასალა.

მუშაობას, რა თქმა უნდა, გავაგრძელებთ, რომ მოვიცვათ ყველა კლასი - პირველიდან XII-ეს ჩათვლით და ყველა საგნობრივი ჯგუფი, თუმცა, დაწყებით კლასებს განსაკუთრებულ ყურადღებას ვაქცევთ, რადგან აქ ყველაზე საფუძველი ძალიან ბევრ უნარს, რომ მოსწავლე წარმატებული იყოს მომდევნო საფეხურზე. ბევრ გაკვეთილს დავესწარი და დავრწმუნდი, ამ მიმართულებით სვლა აუცილებლად გახდება ჩვენი მოსწავლეების წარმატების საწინდარი.

კონფერენციაში მონაწილე დანყოფილები კლასების პედაგოგებმა: დალი ტომარაძემ, ნანა ვაჩიბერიძემ, დალი ქოქოშვილმა, მია

ალავიძემ, ეკა მესხმა, ინგა თეთრაძემ თავიანთ პრეზენტაციებში კოლეგებს უამბეს როგორ დაგეგმეს და ჩაატარეს მედიანიგნიერების პრაქტიკული გაკვეთილები. ქალბატონი დალისთვის, როგორც თავად აღნიშნა, გაკვეთილის „ნიადაგის ბინადარი“ წარდგენისას, მთავარი და მნიშვნელოვანი იყო, მოსწავლეებს გაკვეთილზე შეესწავლათ ახალი მასალა. ეს იყო ქართულია და ბუნების ურთიერთობაზე ორიენტირებული გაკვეთილი, ზუსტად განერილი გეგმით - ნარატიული ტექსტი, რომელიც შედგენილია დების მინერ-მოწერიტ, რასაც მოსდევს ტექსტის გასაზრებელი კითხვები სავარაუდო პასუხებით, შემდეგ დოკუმენტური ფილმი თხუნელაზე, რომლის ნახვის შემდეგაც, გამზადებულ ჩარჩოში მოსწავლეების ჩანაწერებით, ჩანს რა ტიპის ცოდნის სტრუქტურა მიიღეს გაკვეთილისგან. ბოლოს კლასს ეძლევა საშინაო დავალება და ივსება შეფასების რუბრიკა, რასაკვირველია, პედაგოგი მიუთითებს შენიშვნების შესახებაც.

პედაგოგები აღნიშნავენ, რომ განსაკუთრებული მნიშვნელობა აქვს საგაკვეთილო თემის არჩევას: „ყველა პედაგოგმა იცის რამდენად მნიშვნელოვანია მოსწავლეებში მოტივაციის ამაღლება. მედიანიგნიერება ამის საუკეთესო საშუალებაა. როცა თემა „სირაქლემა“ ავირჩიე, გათვალა იმაზე გავაკეთე, რომ სირაქლემა ყველაზე დიდი ფრინველია, ეს მისი განსაკუთრებული ნიშანია და ვიცოდი, ბავშვებშიც განსაკუთრებულ ინტერესს აღძრავდა. გაკვეთილის მსვლელობამ და შედეგმა დამარწმუნა, რომ არ შევმცდარვარ“ - გვითხრა ნანა ვაჩიბერიძემ.

არც მია აღავიძეს შეურჩევია შემთხვევით მედიანიგნიერების თემა ყველაზე პატარა ფრინველი - კოლიბრი.

თვალსაჩინოებისთვის სწორედ ამ გაკვეთილს ვთავაზობთ მკითხველს.



მანია ალაშვიძე

გ. ესეანჯიას სახელობის იტალიური სკოლა „ცისკარი“

კოლიბრი

გაკვეთილის სათაური - კოლიბრი

კლასი - მესამე

საგანი - ქართული და ბუნება

სასწავლო მიზანი - მოსწავლემ უნდა შეძლოს:

- ✓ ტექსტზე მუშაობა - ნაიკითხოს ტექსტი;
- ✓ ტექსტში მოცემული ინფორმაცია დაუკავშიროს ერთმანეთს;
- ✓ ჩამოაყალიბოს, რა კითხვებზე პასუხი ვერ იპოვა ტექსტში და ამ კითხვებზე პასუხები იპოვოს დოკუმენტურ ფილმში;
- ✓ შეაჯამოს, რაც ისწავლა;
- ✓ კოლიბრი დაახასიათოს ყველა სასიცოცხლო ნიშან-თვისების მიხედვით (ქართ. III. 7. ბუნ. III. 2).

მედიანიგნიერების მიზანი:

- ✓ მედიანიგნიერების კრიტიკული ანალიზი და სინამდვილის რეპრეზენტაციის შეფასება;
- ✓ სხვადასხვა მედიის მიერ გამოქვეყნებული ინფორმაციის ანალიზი და შეფასება.

საჭირო საგანმანათლებლო რესურსების ჩამონათვალი:

1. საინფორმაციო ტექსტი „კოლიბრი“;
2. კოსვორდი, სქემა;
3. ვიდეოფილმი <https://www.youtube.com/watch?v=bmiHTRQcWWM> - ფილმში ჩანს, როგორ იკეთებს ბუდეს კოლიბრი, რა ზომის კვერცხებს დებს, როგორ ზრდის ბარტყებს;
4. კონტურული ნახატი დავალებისათვის;
5. მოსწავლის სამუშაო ფურცლები;
6. პრეზენტაცია.

გაკვეთილის მიმდინარეობა

აქტივობა 1 (5 წთ) მასწავლებელი სთხოვს მოსწავლეებს, ჩამოთვალონ თავიანთი საყვარელი ფრინველები და ახსნან, რით დაიხსახურეს ამ ფრინველებმა მათი სიყვარული.

| ჩამოთვალეთ თქვენი საყვარელი ფრინველები | რით დაიხსახურეს ამ ფრინველებმა თქვენი სიყვარული? |
|--|--|
| არწივი                                 | ფრინველთა მეფეა                                  |
| მტრედი                                 | მშვიდობის სიმბოლოა                               |
| ფარშევანგი                             | ულამაზესია                                       |
| მერცხალი                               | გაზაფხულის მახარობელია                           |

აქტივობა 2 (5 წთ) მასწავლებელი მოსწავლეებს მიმართავს - დღევანდელი გაკვეთილი ეძღვნება საოცარ ფრინველს; მის სახელს (ფერად სვეტში მივიღებთ) შევიტყობთ, თუ სწორად ამოვსხსნით ამ კოსვორდს:

1. მას ტყის მკურნალს უწოდებენ
2. მას კი თავსავარცხელას
3. ეს ბუნების მგოსანია
4. ეს კი ფრინველთა მეფეა
5. მას სიბრძნის სიმბოლოდ მიიჩნევენ
6. ეს კი კუდმაკრატელაა
7. ფრინველია, შავთეთრია, ვერ დაფრინავს, კარგად ცურავს, დაბაჯბაჯებს

შევსებული კოსვორდი

|   |   |   |   |   |   |   |
|---|---|---|---|---|---|---|
|   | კ | ო | დ | ა | ვ | ა |
|   | ბ | უ | ლ | ბ | უ | ლ |
| ა | რ | წ | ი | ვ | ი |   |
|   | მ | ე | რ | ც | ხ | ა |
|   | პ | ო | ნ | ბ | ვ | ი |

აქტივობა 3 (15წთ) ტექსტზე \_\_\_\_\_ მუშაობა მასწავლებელი სთხოვს მოსწავლეებს, ნაიკითხონ საკითხავი მასალა „კოლიბრი“ და შეავსონ თანდართული სქემა

კოლიბრი



კოლიბრი ძალიან ლამაზი ფრინველია და მას ხშირად სა- მოთხის ჩიტს ეძახიან. ის გავრ- ცელებულია ამერიკაში, განსა- კუთრებით ბევრია სამხრეთ ამე- რიკაში.

კოლიბრი ყველაზე პატარა ზომის ფრინველია და მისი ნონა- ორ გრამამდეა. ზოგი მათგანი იმდენად პატარაა, რომ „ფრინ- ველ-ბუზს“ უწოდებენ.

კოლიბრი სხვადასხვანაირია, მათი ბუმბულიც განსხვავებუ- ლი ფერისაა. მეცნიერები ამბობენ: რამდენი ფერიც არსებობს ბუნებაში, ყველა იმ ფერის ბუმბული შეიძლება ჰქონდეს კო- ლიბრს. სილამაზის ხაზგასასმელად მას ხან „მზის სხივს“ უწო- დებს, ხან - „ტყის ვარსკვლავს“, ხან - „ცეცხლოსანს“, ხან - „ცი- სარტყელას“ და სხვ. ერთ-ერთი კოლიბრის ქოჩორი მუზარადს წააგავს, ამის გამო მას „მუზარადიანი კოლიბრი“ შეარქვეს.

კოლიბრის ნისკარტიც საოცარი აქვს, ზოგს იმდენად წვეტი- ანი ნისკარტი აქვს, რომ ნემსი გეგონება. ამიტომ, რომ მტა- ცებელი ფრინველებიც კი გაუზრბიან. აბა გაბედონ და თავს და- ესხან! იმ წუთში თვალს გამოკორტინს მტაცებელს.

კოლიბრის საკვები ყვავილის ნექტარი, თაფლი, ბუზები, პეპლები და პატარა ხოჭოებია.

კოლიბრი

|  |  |
|--|--|
| სხეულის ზომა სიდიდე ნონა   |  |
| როგორია ბუმბულის შეფერილობა  |  |
| გავრცელების არეალი (სად გვხვდება)  |  |
| რითი იკვებება  |  |
| რითი იცავს თავს მტაცებლებისაგან  |  |
| როგორ მრავლდება (რა ზომის კვერ- ცხებს დებს, რამდენს, როგორ ბარტყებს ჩეკავს, რა ზომის ბუდეს იშენებს?) |  |

უკუკავშირი - მასწავლებელი მოსწავლეებს მიმართავს კითხვებით: - რა მონაცემები არ იყო ტექსტში/ სქემის რომელი ნაწილი ვერ შეავსეთ?

აქტივობა 4 (10 წთ) - გავიგოთ კოლიბრზე უფრო მეტი.

მასწავლებელი - იმისათვის, რომ უფრო მეტი გავიგოთ კო- ლიბრზე, კერძოდ კი იმაზე, თუ როგორ მრავლდებიან, ვნახოთ დოკუმენტური ფილმი:

<https://www.youtube.com/watch?v=bmiHTRQcWWM>

ფილმში ჩანს, როგორ იკეთებს ბუდეს კოლიბრი, რა ზომის კვერცხებს დებს, როგორ კვებავს ბარტყებს.

მასწავლებელი სთხოვს მოსწავლეებს, ფილმის მიხედვით, იმ- სჯელონ კოლიბრების გამრავლებაზე.

აქტივობა 5 (10 წთ) - მასწავლებელი მოსწავლეებს უჩვენებს საპრეზენტაციო მასალას და მოსწავლეებს ავალბებს: მიღებულ ინფორმაციებზე დაყრდნობით, წყვილებმა გააფრადეთ კო- ლიბრის კონტურული ნახატი და შექმენით საინფორმაციო ტექ- სტი მსოფლიოში ყველაზე მცირე ზომის ფრინველზე.

გაითვალისწინეთ შემდეგი საკითხები:

1. გაურცვლება და აღწერილობა;
2. რით იკვებება;
3. როგორ იცავს თავს მტრებისგან;
4. როგორ მრავლდება.

შეფასების ინსტრუმენტები

მასწავლებელმა მოსწავლე შეიძლება შეაფასოს შემდეგი კრიტერიუმებით:

1. მოსწავლემ მასალის ნაკითხვამდე აქტიურად გამოხატა წინა- რე ცოდნა ფრინველების შესახებ?
2. მოსწავლემ დაამუშავა ტექსტი და შეავსო სქემა კოლიბრზე?
3. მოსწავლემ დოკუმენტური ფილმების ნახვის შემდეგ იმსჯელა კოლიბრის გამრავლების თავისებურებებზე?
4. მოსწავლემ შეაჯამა ნაკითხული და ფილმში ნახატი და შექმნა საინფორმაციო ტექსტი და ვიზუალური მასალა?

დამხმარე რუბრიკა განმავითარებელი შეფასებისთვის

|   | იოლად შეძლო  | გაუ- ჭირდა | ვერ შეძლო | რა რეკომენ- დაცია მივცე? |
|---|--|------------|-----------|--------------------------|
| 1 | მოსწავლემ მასა- ლის ნაკითხვამდე აქტიურად გამოხა- ტა წინარე ცოდნა ფრინველების შე- სახებზე?        |            |           |                          |
| 2 | მოსწავლემ დაამუ- შავა ტექსტი და შე- ავსო სქემა კოლიბ- რზე?                                       |            |           |                          |
| 3 | მოსწავლემ დოკუ- მენტური ფილმე- ბის ნახვის შემდეგ იმსჯელა კოლიბ- რის გამრავლების თავისებურებებზე? |            |           |                          |
| 4 | მოსწავლემ შეაჯა- მა ნაკითხული და ფილმში ნახატი, შექმნა საინფორმაციო ტექსტი და ვიზუა- ლური მასალა |            |           |                          |



ქართული სტუდენტები უსსოთში

# სადაც არ უნდა წავიდა, საბოლოოდ, ყოველთვის უკან – საქართველოში დავბრუნდები

რუბრიკის სტუმარია თათია ვაშაძე, FLEX-ის პროგრამის გამარჯვებული, ტენისის შტატის ქალაქ ბურლენგის ჯოშუას სკოლის მოსწავლე



### თიერთდამოკიდებულება?

– ამერიკულ სკოლაში, რაც ყველაზე მეტად მომწონს, მასწავლებლების და მოსწავლეების დამოკიდებულებაა. არასოდეს, არც ერთი მასწავლებელი, კლასის წინაშე, მოსწავლეზე ხმამაღლა არ საუბრობს, არ აცხადებს მის ნიშანს, რაც, თავის მხრივ, მოსწავლეს შორის პოზიტიური, თავისუფალი ურთიერთობის ჩამოყალიბებასა და თანატოლობის გრძნობის გაჩენას უწყობს ხელს.

### – როგორ ახერხებ პრეზენტაციებზე საქართველოს პოზიტიური კუთხით წარმოდგენას?

– ყოველთვის ვცდილობ, აქცენტი ჩვენს მდიდარ კულტურასა და ისტორიაზე გავაკეთო. ძირითადად, სლაიდ-შოუს და სხვადასხვა პოსტერებს ვიყენებ. რამდენიმეჯერ ტრადიციული ტანსაცმელიც მეცვა, რათა ბავშვებს ეკრანის მიღმაც შეიძლოს ნამდვილ ქართულთან შეხება. თითქმის ოთხ სხვადასხვა სკოლაში ჩავატარე პრეზენტაცია და ყველგან ძალიან დიდი დაინტერესება დავინახე საქართველოსადმი.

### – მოხალისეობის პროცესში ჩართვა პროგრამის ერთ-ერთი აუცილებელი პირობაა. კერძოდ რა საქმიანობას ეწევი და რა გემოვნობას იღებს ადამიანი მსგავს საქმიანობაში ჩართულობით?

– დიას, სამოხალისეო საათები პროგრამის მთავარი მოთხოვნაა. FLEX, ხომ, მომავალ ლიდერთა გაცვლით პროგრამაა. შესაბამისად, ვფიქრობ, ნამდვილი ლიდერი, და ზოგადად, ადამიანი, რომელიც ცდილობს გარკვეულ გარემოში პოზიტიური ცვლილება მოახდინოს, ნაკლებად უნდა ფიქრობდეს საქმის მატერიალურ მხარეზე, ამ უნარის ჩამოყალიბებაში მოხალისეობრივ საქმიანობას დიდი წვლილი მიუძღვის. ჩემი ორგანიზაციიდან მხოლოდ 30 სამოხალისეო საათის მოთხოვნა მქონდა, თუმცა, დაახლოებით, 4-ჯერ მეტი ვიმოხალისევე. ყოველთვის ვცდილობ ნაკლებად შევხედო რაიმეს, როგორც ვალდებულებას და მეტი ვაკეთო ის საქმე, რაც მიყვარს. ალბათ ამიტომაც, დღემდე 12 საათიც კი მიმოხალისევი, რათა რაც შეიძლება მეტ გავხიზნო ოჯახში შემეტანა პოზიტივი, მეტი ბავშვის ღიმილიანი და მშობლის მაღლიერი სახე დამენახა შობის დღით და უბრალოდ, რამდენიმე ადამიანის ცხოვრება მაინც შეიცვალა ჩემი არსებობით.

### – რას ურჩევ FLEX-ის პროგრამაში მონაწილეობის მსურველებს?

– როგორც ერთ-ერთ წინა კითხვაში აღვნიშნე, უფრო მეტი იყენე ისეთი, როგორც მეც ვიყავი, ნამდვილად არიან და არაწარმადი მორგება არ ეცადო. სჯობს დაელოდე საკუთარი თავის და პირველ ცდაზე წარუმატებლობის შემთხვევაში, არ დაწებდე.

### – როდის ბრუნდები საქართველოში, რა გენატრება ყველაზე მეტად და როგორია შენი თვალთ დანახული საქართველო, ოკეანის მიღმა?

– ივნისის დასაწყისში ვბრუნდები. რაც შეეხება მონატრებას, მართლა ძალიან მიჭირს ერთი რამის გამოყოფა. ოკეანის მიღმა, საქართველო, მართლა სხვანაირი ჩანს. თუმცა, უფრო ალბათ ჩემს თვალში გამოჩნდა სხვანაირი, რადგან როდესაც მანდ ვარ, რეალობისათვის თვალის გასწორება და დადებითა და უარყოფითზე საუბარი ძნელია. ვიტყვი, რომ საქართველო ძალიან მდიდარი კულტურის, ისტორიისა და მყარი ურთიერთობების მქონე ქვეყანაა, რომლითაც ყოველთვის ვამაყობდი, ვამაყობ და მიუხედავად ყველაფრისა, სადაც არ უნდა წავიდე, საბოლოოდ, ყოველთვის უკან – საქართველოში დავბრუნდები.

### – როგორც ვიცი, ხარ GLOW (GERLS LEADING OUR WORLD) ორგანიზაციის ელჩი. გვიამბე მისი საქმიანობისა და ორგანიზაციაში შენი უფლება-მოვალეობების შესახებ.

– GLOW ეს არის ორგანიზაცია, რომელიც საშუალებას აძლევს გოგონებს, გაეცნონ საკუთარ უფლებებსა და შესაძლებლობებს, აგრეთვე მიიღონ ინფორმაცია ისეთ საკითხებზე, როგორცაა: გარემოს დაცვა, ჯანსაღი ცხოვრების წესი, მოქალაქეობრივი პასუხისმგებლობა და სხვ. რაც შეეხება ელჩებს, ჩვენ ის გოგონები ვართ, რომლებიც სხვადასხვა სახის პროექტებს ვახორციელებთ ორგანიზაციის მხარდაჭერით და ჩვენს საცხოვრებელ გარემოსა და საზოგადოებაზე პოზიტიური გავლენის მოხდენას ვცდილობთ.

### – თათია, პირველ რიგში, გაგვეცანი. რა შეგიძლია გვიამბო შენი მშობლიური, ჭიათურის №4 საჯარო სკოლის შესახებ?

– დავიბადე ქალაქ ჭიათურაში, სწავლა ქართულ გიმნაზიაში დავიწყე, თუმცა ოპტიმიზაციის გამო, მე-4 საჯარო სკოლაში მომიწია გადასვლა. თამამად შემიძლია ვთქვა, რომ ეს ის ადგილია, სადაც არა მარტო საგნობრივი, არამედ ცხოვრებისეული განათლება მივიღე. სკოლა წარმატებისაკენ მიმავალი მთავარი, პირველი ნაბიჯების გადადგმავი და მამამარა. პატარაობიდანვე „მასწავლებლის შვილის“ იარაღი მქონდა. ყველა ადამიანი, ვისაც უშუალოდ ჩემთან შეხება არ მქონდა, ჩემს ათოსსობას და მიღწეულ წარმატებებს სტერეოტიპულად უყურებდა, რის გამოც, ძალიან ბევრჯერ გამჩენია უსამართლობის განცდა. თუმცა, ახლა ვაცნობიერებ, რომ ამ ყველაფერმა, მეტი მუშაობა და საკუთარი შესაძლებლობების მაქსიმუმის გამოვლენა მასწავლა. ბევრჯერ მიფიქრია და ვხვდები, რომ ჭიათურის საჯარო სკოლის არაჩვეულებრივი მასწავლებლები რომ არა, ამ წარმატებას ვერ მივაღწევდი. განსაკუთრებით მინდა გამოვყო ჩემი კლასის დამრიგებელი, ქართული ენისა და ლიტერატურის მასწავლებელი, ჩემთვის მისაბაძი პიროვნება, ქალბატონი მანანა წერეთელი, რომელიც მე-5 კლასიდან გვერდში მიდგას; დიდი სიყვარულით მინდა მოვიკითხო და ყველაფრისთვის მადლობა გადავუხადო ჩემი სკოლის დირექტორს, ბატონ გურამ ლომიძეს; ინგლისურ ენის მასწავლებელს ნანა გელაშვილს; პედაგოგებს – ნუნუ გაბრიჭიძეს, ხათუნა არაბიძეს, თამარ ხიხაძეს და სხვებს.

### – FLEX – მომავალ ლიდერთა გაცვლით პროგრამაში გამარჯვება არც ისე მარტივ ეტაპებს მოიცავს. რამდენად რთული იყო წარმატების მიღწევა და რა არის ყველაზე მთავარი, რაც კონკურსში გამარჯვებას განაპირობებს?

– FLEX-ის პროგრამაში გასამარჯვებლად ძალიან ბევრი კრიტერიუმია, რომელსაც უნდა აკმაყოფილებდე, თუმცა ვფიქრობ, ერთ-ერთი ყველაზე მნიშვნელოვანია არ მოირგო სხვა ადამიანის როლი და წარმატების ნიშნით მიღწევას არ ეცადო. მუდმივად ვიმეორებდი ჩემს საყვარელ ციტატას: „ვისაც მაღალი კომპის აგება სურს, დიდხანს უნდა დაკავდეს ფუნდამენტის ამოყვანით“, რაც, ვფიქრობ, ყველაზე მეტად დამეხმარა გამარჯვებაში.

### – პროგრამამ საშუალება მოგცა გაცნობოდი ამერიკული სკოლის სპეციფიკას... რა მსგავსება და განსხვავებაა ქართულ სკოლასა და ამერიკულს შორის? გაგვიზიარე ამერიკულ სკოლაში მიღებული შთაბეჭდილებები... რა შეგმატა პროგრამაში მონაწილეობამ?

– წამოსვლამდე ძალიან ბევრჯერ მიფიქრია, როგორი იქნებოდა ჩემი ამერიკული სკოლა, თუმცა ასეთ მეგობრულ და სასიამოვნო გარემოს ვერასოდეს წარმოვიდგენდი. ვცხოვრობ ტენისის, ქალაქ ბურლენგის და ვარ Joshua High School-ის X კლასის მოსწავლე. სკოლაში ყველა თბილად მიქცევა, ცდი-

ლობენ, მაქსიმალურად შემიწყონ ხელი მათ საზოგადოებასთან ინტეგრირებაში. მეც, რა თქმა უნდა, ვცდილობ აქტიური ვიყო. ამჟამად, ვუკრავ ფორტეპიანოზე სკოლის ჯაზ-ბენდში; ვცეკვავ, ვარ მოსწავლეთა საბჭოსა და გამოსაშვები საღამოს კომიტეტის წევრი. ასევე, ოფიციალურად ვარ მინივეული სკოლის საუკეთესო მოსწავლეთა დაჯილდოებულზე. ამერიკული სკოლის ჯაზ-ბენდში ყოფნა, ალბათ, ერთ-ერთი საუკეთესო გამოცდილება იყო, თუ გავითვალისწინებთ, რომ ყოველთვის კლასიკურ მუსიკას ვუთმობდი დიდ ყურადღებას და ჯაზი არასოდეს დამიკრავს. ზოგადად, ძალიან მიყვარს სიახლეები და გამონვევები, რომელიც თავიდან შეუძლებლად მეჩვენება, ვფიქრობ, სწორედ ეს გაყალიბებს ძლიერ ადამიანად და ცხოვრებისეულ პრობლემებთან გამკლავებას გასწავლის. მიუხედავად იმისა, რომ თავიდან ცოტათი ძნელი იყო, ფორტეპიანოსთან გათენებული ღამეების შემდეგ, სასურველ დონეს მივალნი – უკვე ორ ეროვნულ ჯაზფესტივალზე და ოთხ კონცერტზე მაქვს წარმატებით დაკრული.

ქართული სკოლა ამერიკისგან ძალიან განსხვავდება, არ გვულისხმობ, რომ ერთ-ერთი მათგანი უკეთესი ან უარესია, უბრალოდ, ყველაფერი ძალიან განსხვავებულია. მაგალითად: ქართული განათლების სისტემა 12 საგნით შემოიფარგლება, რომლის სწავლა ყველა მოსწავლისთვის სავალდებულოა, მიუხედავად მისი შესაძლებლობებისა და ინტერესებისა, ხოლო ამერიკული სკოლის მოსწავლეს, მრავალფეროვანი შეთავაზებიდან, სასურველი საგნების არჩევის საშუალება აქვს, რაც საკუთარი თავის ადვილად პოვნაში ეხმარება. ყველაზე მნიშვნელოვანი, რაც ამ პროგრამაში მონაწილეობამ შემმატა, საკუთარი თავის რწმენა და დამოუკიდებლობაა. როდესაც 15 წლის ასაკში, საცხოვრებლად, სულ სხვა კონტინენტზე, რადიკალურად განსხვავებულ კულტურაში მიდიხარ, მაინც მარტო რჩები, საკუთარ თავთან პირისპირ და ყველაფერი მხოლოდ შენზეა დამოკიდებული.

### – როგორია შენი „ამერიკული ოჯახი“, რამდენად დაგეხმარნენ ისინი ადაპტაციაში? გაგვიზიარე შენი შთაბეჭდილებები.

– მყავს არაჩვეულებრივი ამერიკული ოჯახი, რომელმაც გაცნობის პირველი დღიდანვე საკუთარი შვილივით მიმიღო. ყოველთვის ცდილობენ ყველაფერზე პოზიტიური თვალით შემახედონ და დამანახონ, თუ რამდენად ადვილია იმის მიღწევა, რის გაკეთებაც გუშინ ფიქრიც კი არ შემიძლო. ალბათ ძალიან ცოტა მასპინძელ ოჯახს მიჰყავს გაცივლითი სტუდენტი დაბადების დღეზე, სხვა ქვეყანაში სამოგზაუროდ ან საყვარელი ბენდის კონცერტზე საშობაოდ. ეს ყველაფერი იმიტომ, რომ ჩვენი ურთიერთობა არა მხოლოდ იმ ერთწლიანი პროგრამის წესებზე და მოვალეობებზეა დაფუძნებული, არამედ ნამდვილ ოჯახურ სიყვარულსა და ურთიერთპატივისცემაზე.

### – როგორია ამერიკულ სკოლაში თანაკლასელების, მასწავლებლების, მშობლების ურ-





# ბაკვეთილი ბულინგის თემაზე

ბულინგი/მოზინგი – მოზარდთა შორის ფიზიკური ან ფსიქოლოგიური ძალადობა თანამედროვე ცხოვრების მწვავე პრობლემაა, რომლის გამომწვევი მიზეზი შეიძლება იყოს რაიმე ნიშნით მოზარდის განსხვავებულობა, ფიზიკური ნაკლი ან სხვა გარემოება. სამწუხაროდ, ძალადობა, სისასტიკე, სხვისი ღირსების შელახვა ხშირია 11-12 წლის ასაკის მოსწავლეთა შორის. ამ მეტად სენსიტიურ პერიოდში ბავშვებისათვის დამახასიათებელი ხდება 2 ურთიერთსაინააღმდეგო ტენდენცია: ერთი მხრივ, ნეგატიური შფოთვა, დაუმორჩილებლობა, გამომწვევი საქციელი, მეორე მხრივ, პოზიტიური სწრაფვა დამოუკიდებლობისა და დიდობისაკენ, პრესტიჟისა და აღიარებისაკენ, საკუთარი თავის და სხვების მიმართ პასუხისმგებლობის განვითარება. პრობლემა ისაა, რომ ხშირად ამ მოთხოვნებთან დაკავშირებული ხდება სხვა ბავშვების ჩაგვით, დამინებით, ძალადობითა და მუქარით. განსაკუთრებული აგრესიით გამოირჩევიან მშობელთა ყურადღებას მოკლებული, ხშირად გაკვეთილების შემდეგ უმეთვალყურეოდ დარჩენილები.

როგორ შეიძლება მოგვარდეს ეს საჭირობო პრობლემა? ბევრი გამოსავალს სკოლაში მოსწავლეთა ქცევის წესების გამკაცრებაში ხედავს; მეორე ნაწილი მიიჩნევს, რომ ოჯახის როლი და პასუხისმგებლობა ასამბლებელი. ჩვენი აზრით, სუვერენული გამოსავალი მოზარდთა შორის ძალადობის პრევენციასთან დაკავშირებული ფსიქოლოგიური კვლევები ადასტურებენ, რომ ადამიანის ალზრდის სისტემაში, რომელიც უამრავ ქვესისტემას, ელემენტსა თუ ფორმას მოიცავს, სასკოლო ალზრდა, თავისი ხანგრძლივობითა და ინტენსივობით, ყველაზე მნიშვნელოვანია. და ეს ბუნებრივიცაა, რადგან პიროვნების ხასიათი, ღირებულებები, რწმენა სასკოლო ასაკში ყალიბდება. ამიტომაც სწავლების პროცესში, ცოდნის ათვისებასთან ერთად, მიზნად ვისახავთ მოსწავლის ზნობრივ ალზრდასა და მისი მოტივაციურ-მოთხოვნილებით სფეროს შეცვლას. სასურველი ეფექტის მისაღწევად 2 ურთიერთდაკავშირებული მიმართულებით ვმუშაობ: I. მიზანდასახულად ვარჩევ მასალას, რომელსაც მკვეთრად გამოხატული ზნობრივი იდეა და მოსწავლეებში ძლიერი ემოციური გამოძახილის გამოწვევის შესაძლებლობა აქვს, რათა მხატვრულ ნაწარმოებებზე მუშაობის პროცესში ბუნებრივად გაეკეთო აქცენტი ისეთ ღირებულებებზე, როგორცაა: თანაგრძნობა, შებრალება, პატიება, მიმტევებლობა; II. გაკვეთილზე ვიყენებ სწავლების თანამედროვე სტრატეგიებს.

ამ იდეის დაკონკრეტებით ნარმოვიდგენთ კონსტრუქტივისტული მიდგომით ჩატარებულ გაკვეთილს „არა ძალადობას“, რომლის რესურსად გამოვიყენებთ GPRIED-ის ფარგლებში გამოცემულ გაზეთ „კითხვის დროში“ გამოქვეყნებული მოთხრობა „წრია ჩარლი“.

გაკვეთილის პირველ ეტაპზე ვცდილობ, კლასში შეიქმნას საქმიანი ატმოსფერო, სათანადო განწყობა-დამოკიდებულება ტექსტის მიმართ. ერთად ძალადობის თემაზე გადაღებულ ვიდეოფილმს მეტად ემოციური და შთაბეჭედავი კადრებით. ფილმის მთავარი პერსონაჟია 11-12 წლის გოგონა, რომელსაც თანასკოლელები ზურგზე აწერენ დაამცირებელ სიტყვებს: სულელი, ხელმოცარული, მახინჯი. გოგონას ფიზიკურადაც

უსწორდებიან: ხელს კრავენ, ძირს აგდებენ, ყოველ ფეხის ნაბიჯზე აბუჩად იგდებენ, შეურაცხყოფენ, არ უჩნდებათ მისი შებრალების სურვილი...

მოსწავლეთა გამომეტყველება მიმანიშნებს, რომ ჩაგრულის მიმართ დიდი თანაგრძნობით განეწყვენ. ვთხოვ, იმსჯელონ ნაწახ ფილმზე, გამოთქვან თავიანთი შთაბეჭდილებები. დაფაზე იწერება მათი ემოციები და მოსაზრებები: არ მოსწონთ მოძალადე ბავშვების სისასტიკე, თანაუგრძნობენ უსამართლოდ დაჩაგრულს, უარყოფითად განეწყობიან მათ მიმართ, ვინც გოგონას ღირსებას ამცირებს; ბავშვური თბილი ემოციით მოიხსენიებენ ერთადერთ მოსწავლეს, რომელმაც ფეხზე ნამოაყენა დაცემული.

შემდეგ დაფაზე ვწერ ნასაკითხი ტექსტის სათაურს – „წრია ჩარლი“ და ვთხოვ, გამოხატონ თავიანთი ასოციაციები და მოლოდინები. ბავშვების ერთი ნაწილი მიიჩნევს, რომ, ფილმის შინაარსიდან გამომდინარე, ელის ძალადობის თემის გაშლას, რადგან „წრია ჩარლი“ დამამცირებელი ზედმეტსახელია და, ალბათ, მოთხრობასაც ფილმის ანალოგიური სიუჟეტი ექნება; მეორე, ფიქრობენ, რომ ჩაგრულ პერსონაჟს დამცველები გამოუჩნდებიან, რომ კეთილი დასასრული ექნება. ბავშვების ყველა მოსაზრებას ვაფიქსირებ დაფაზე, რითაც ვზრდი მათ ინტერესსა და ჩართულობას საგაკვეთილო პროცესში.

შემდეგ ვინებ ტექსტის კითხვას. ვიყენებ პაუზებიანი კითხვის სტრატეგიას. პირველი მონაკვეთის ნაკითხვის შემდეგ ვსვამ კითხვებს: რა შთაბეჭდილება მოახდინა შენზე მოთხრობის დასაწყისმა? რომელმა დეტალმა მიიტაცა განსაკუთრებული ყურადღება? თავად თუ ვინახავს შენი თანატოლი მსგავს სიტუაციაში? როგორ ფიქრობ, რა მოხდება პერსონაჟის ცხოვრებაში? როგორი ურთიერთობაა ბავშვებს შორის? ვინ არის გარიყული და რატომ? ვინ არის დამნაშავე ამ ისტორიაში?

კითხვებზე მეორე მონაკვეთს, რომელშიც მტყი მასალა იმისათვის, რომ ბავშვებმა დაახასიათონ მთავარი პერსონაჟები, მათი ურთიერთობა, დაუკავშირონ საკუთარ სკოლას და გამოცდილებას. ვსვამთ კითხვებს: რა ურთიერთობაში არიან ბავშვები ლერისთან? როგორ გათავისუფლდა ნიკა უფროსკლასელების დამცირებისაგან? ვინ ჩაანაცვლა ნიკა? კლასი ჩართულია საკითხების განხილვაში. ვაღვანელებ სიტუაციურ რუკას თითოეულ პერსონაჟზე, მოსწავლეები აქტიურად განიხილვენ ტექსტს, პატივს სცემენ ერთმანეთის აზრს, სწავლობენ აზრის გამოთქმასა და ერთმანეთის მოსმენას, მოსაზრების არგუმენტირებას, ნათქვამის დაწერას. და აი, ბავშვები უზახებენ ბევრ კითხვებს: ახასიათებენ ნიკასა და გიორგის, როგორც აგრესიის მსხვერპლს, მუდმივად დაცინვის ობიექტებს, გარიყულს, უმეგობროდ დარჩენილებს. ნიკასთან დაკავშირებით აზრები ორად გაიყო. ზოგმა მიიჩნია კეთილ და მეგობრულ ბიჭად, რადგან, ტექსტის მიხედვით, მან შეიბრალა ახალი მსხვერპლი – მასზე უფრო დაბალი გიორგი და შეეცადა მის დაცვას. თუმცა, მოსწავლეთა ნაწილმა ნიკაც მოძალადეთა ბანაკს მიაკუთვნა, რადგან კლასში გიორგის მოსვლის შემდეგ ის მოძალადე უფროსკლასელებს დაუმეგობრდა და მათთან ერთად დაამცირა გიორგი. ბავშვებმა ფორმალურად აღიქვეს ნიკას მიერ გიორ-

გისთვის მიცემული რჩევები. მოსწავლეებმა იმსჯელეს ლერისა და სხვა მოძალადე უფროსკლასელების საქციელზე, ხაზი გაუსვეს მათ სისასტიკეს, ცინიზმსა და უხეშობას, სუსტებისა და პატარების დაშინება-დამორჩილების სურვილს.

კითხვებზე ბოლო მონაკვეთს, უკვე მოძალადეთა ბანაკში გადასული ნიკას ერთგვარ აღსარებას: „არ ვიცი, რატომ ამცირებენ ბავშვები ერთმანეთს, იქნებ თუ სხვას პატარად აგრძნობინებ თავს, საკუთარი თავი დიდი და ძლიერი გგონია? ვერ გეტყვით, ერთი კი ნათელია, ასე გაგრძელება აღარ მინდა. არ ვიცი, როგორ მოვიქცე“. ესვამ კითხვებს: როგორ უნდა მოიქცეს მოთხრობის მთავარი გმირი? თქვენი აზრით, რატომ ამცირებენ ბავშვები ერთმანეთს? რის მიხედვით არჩევენ სამიზნეს დასამცირებლად? შეიძლება თუ არა მოგვარდეს ეს პრობლემა?

ბავშვები ხაზს უსვამენ, რომ უფროსკლასელებმა დასამცირებლად გამოარჩიეს სუსტი აღნაგობის, ტანდაბალი ბავშვები, რაც ყოველად მიუღებელია. მოსწავლეების აქტიური პოზიციის დასადასტურებლად მოგვყავს მათ მიერ ნიკას მისამართით გამოთქმული რჩევები და სურვილები: „კარგია, რომ მოინანიო თავისი საქციელი, შეეცადოს, გაემიჯნოს მოძალადეებს“, „შეცდომა მაშინ დაუშვა, როცა ლერის გუნდს მიეკედლა, რათა გამოეცადა, თუ როგორია მოძალადის პოზიციაში ყოფნა. ახლა ეს შეცდომა უნდა გამოასწოროს, გააპროტესტოს, ხმა აიმაღლოს. მას აქვს შანსი გადაიქცეს დამოუკიდებელ და მამაც ბიჭად“, „მთავარია, თავის თავში მოძებნოს ძალა, დაამარცხოს შიში, რათა ჩხუბისთავ ბიჭებს თვალი თამამად გაუსწოროს, არ აგრძნობინოს რომ ეშინია; მათი მიზანი ხომ სუსტების დაჩაგრვა და საკუთარი სიძლიერის წარმოჩენაა!“ მოსწავლეთა აზრით, აგრესიას და ძალადობას მეგობრობა და ერთმანეთის თანადგომა უნდა გადაეღობოს წინ.

მოსწავლეებს მოვუწოდებ კარგად გაერკვნენ მოთხრობის პრობლემატიკაში, გაისვენონ ამ თემაზე დაწერილი ნოდარ დუმბაძის „ბიჭი და ძალი“, შეადარონ ორი მოთხრობა ერთმანეთს, გამოეცნონ საერთო და განსხვავებული ნიშნები, დაწერონ ერთსტროფიანი ლექსი ამ თემაზე.

ამრიგად, გაკვეთილზე დასასრული მიზნები განხორციელდა: მოსწავლეები დიდი ინტერესით იყვნენ ჩართულები ტექსტის გაგება-გააზრების პროცესში; მათ შეძლეს საკვანძო ადგილების ამოკრება, დეტალებზე დაკვირვება, ასოციაციური რუკების შედგენა. შთაბეჭედავი იყო მათი ხედვის, გრძნობებისა და ემოციების გადმოცემა. ყველაზე მთავარი კი ის არის, რომ მოსწავლეები ახლოს მივიდნენ სასურველ ქცევასთან იმით, რომ მსჯელობის დროს გამოვლინდა მათი გულწრფელი თანადგომა აგრესიის მსხვერპლთა მიმართ, ნეგატიური დამოკიდებულება მოზარდებს შორის არსებულ ძალადობის ფორმებზე, რაც თანამედროვე სკოლების მეტად საჭირობო საკითხია.

**გულნაზ ხორბალაძე**  
სსიპ ქალაქ თბილისის №128 საჯარო სკოლის დირექტორი,  
ქართული ენის და ლიტერატურის ნამყვანი მასწავლებელი,  
პედაგოგიკის მეცნიერებათა დოქტორი

# ინკლუზიური განათლება და საზოგადოება

2015 წლის ნოემბრიდან, იმერეთის რეგიონის სამი სკოლა: სსიპ ქალაქ ქუთაისის №8 საჯარო (დირექტორი – თეა ჩხეტი), სსიპ ტარიელ კვიციანიშვილის სახელობის ბაღდათის მუნიციპალიტეტის წითელხევის (დირექტორი – ნინო კოტორიძე) და წყალტუბოს მუნიციპალიტეტის მუხიანის შოთა ნიშნაძის სახელობის საჯარო (დირექტორი – მამუკა ქვაჩაიძე) ჩავერთეთ ერთობლივ კვლევით პროექტში – „ფეხი ავუნყოთ ევროპულ ღირებულებებს“ (ინკლუზიური განათლება და საზოგადოება).

პროექტის მიმდინარეობის პროცესში, ისევე როგორც ჩვეულებრივ ვითარებაში, სკოლების მთავარი პრიორიტეტი იყო – დაუღალავი შრომით გავაძლიეროთ და განვავითაროთ სპეციალური საგანმანათლებლო საჭიროების მქონე მოსწავლეების აკადემიური და სოციალური უნარ-ჩვევები, მოვამზადოთ ისინი დამოუკიდებელი ცხოვრებისათვის და ხელი შევეწყობთ საზოგადოების სრულფასოვან წევრებად ჩამოყალიბებაში. თუმცა, აღსანიშნავია ისიც, რომ არის რიგი შემთხვევებისა, როცა საზოგადოების ერთ ნაწილს რომლისთვისაც მიუღებელია ასეთი ბავშვების სკოლაში ყოფნა, მიაჩნია, რომ ისინი ცალკე, იზოლირებულად უნდა სწავლობდნენ. სწორედ ამ მიზნით, სამივე სკოლის სპეციალურმა მასწავლებლებმა (მზია ზარნაძე, მარინა იოსებაშვილი, იზოლდა აფრიდონიძე) გადაწყვიტეს ჩაგვეტარებინა კვლევა, შეგვესწავლა საზოგადოების აზრი, მათი ინ-

ფორმირებულობა. შევადგინეთ კვლევისათვის შესაბამისი კითხვარი და ღონისძიებების გრაფიკი. გვიწოდდა, საზოგადოებისთვის გვეჩვენებინა, როგორი ურთიერთობა უნდა ჰქონდეთ ასეთ ბავშვებთან.

მიზანი განსახორციელებლად, პროექტში „ფეხი ავუნყოთ ევროპულ ღირებულებებს“ ჩართულმა მეგობარმა სკოლებმა, პირველ რიგში, ჩავატარეთ ლექცია-საუბრები სკოლის პედაგოგებისა და მოსწავლეებისათვის, ვაჩვენეთ კინოფილმები. ლექცია-საუბრებისთვის შერჩეულ იქნა თემები: „შეზღუდული შესაძლებლობები არ არსებობს...“, „შესაძლებლობები შეუზღუდავი“, „ისინიღ ჩვენი თანატოლები არიან“.

პროექტის ფარგლებში, გამოცდილების გაზიარების მიზნით, ურთიერთობა დავამყარეთ იმერეთის რეგიონის დღის ცენტრებთან. მათთან შეთანხმების საფუძველზე, შშმ პირთა საერთაშორისო დღეს მივუძღვენი შშმ მოსწავლეთა ნამუშევრების გამოფენა ქუთაისის სახელმწიფო ისტორიული მუზეუმის საგამოფენო დარბაზში. გამოფენაში, ზემოთ ჩამოთვლილ სკოლებთან ერთად, მონაწილეობდა ქუთაისის განათლების განვითარებისა და დასაქმების ცენტრი, ამავე ორგანიზაციის შშმ ბავშვთა დღის ცენტრი, თერაპიის შშმ ბავშვთა დღის ცენტრი „საპაოვანო“, სამტრედიის შშმ ბავშვთა დღის ცენტრი „ლამპარი“ – მათ გამოფენაზე თავიანთი აღსაზრდელების ნამუშევრები წარმოადგინეს;

გარდა ამისა, მომზადდა კითხვარები, რომლებიც ეხებოდა ინკლუზიური განათლების მოდელის ცოდნასა და შეფასებას. გამოკითხულ იქნა სკოლების ადმინისტრაცია, მასწავლებლები, მოსწავლეები და მშობლები (როგორც სპეციალური საგანმანათლებლო საჭიროების მქონე პირების, ასევე ტიპური განვითარების მქონე მოსწავლეების).

პროექტის ხელმძღვანელები და ინტერვიუებები რესპონდენტებს წინასწარ უკავშირდებოდნენ და შეხვედრაზე უთანხმდებოდნენ. შეხვედრები ეწყობოდა სკოლაში, ოჯახებსა და საზოგადოებრივი თავშეყრის ადგილებში. მოვახდინეთ გამოკითხვითი ანკეტირება, შეგროვდა ფოტო და წერილობითი მასალა. გამოკითხვითა, დაახლოებით, მესამედი ამბობს, რომ სკოლის საგანმანათლებლო სივრცეში დასაშვებია შშმ და სსიპ მოსწავლეთა სწავლება, თუკი მათ ექნებათ ხელმეწყობი პირობები, კერძოდ, საჭირო რესურსი, სპეციალური აუდიო-ვი-



დეომონსობილობა და კომპიუტერული ტექნიკა, ასევე სკოლის ყველა პედაგოგისთვის, საგნის მასწავლებლებისთვის მაინც, ტრენინგების ჩატარება, ამასთან აუცილებელია თანამშრომლობა სხვადასხვა ტიპის კულტურულ-საგანმანათლებლო ცენტრებთან გამოცდილების გაზიარების მიზნით.

მიმდინარე წლის მასში დამეგობრებულმა სკოლებმა ჩაატარეს სამოდელო გაკვეთილები, რუბრიკით – „ჩვენ ვსწავლობთ ერთად“. სასწავლო წლის ბოლოსთვის, დაგეგმილი გვაქვს პროექტის მიმდინარეობის პროცესში ჩატარებული სამუშაოების პრეზენტაცია. პროექტი მომავალ წელსაც გავრცელებს, პარტნიორი სკოლების მოსწავლეები თავიანთ შეხედულებებსა და სურვილებს გაუზიარებენ ერთმანეთს შშმ მოსწავლეთა შესახებ.

მსგავსი პროექტები არა მარტო მოსწავლეთა დამეგობრების საშუალებას მოგვცემს, არამედ იმის რეალურად გათავისებასაც შეუწყობს ხელს, რომ „ჩვენითვის უცხო არ არის ევროპული ღირებულებები“, ეს ბავშვებიც ჩვეულებრივი მოსწავლეები და საზოგადოების სრულფასოვანი წევრები არიან.

**მზია ზარნაძე**  
სსიპ ქალაქ ქუთაისის №8 საჯარო სკოლის პედაგოგი





სასკოლო აქტივობა

# „სამეფო გვირგვინი“ – სიყვარულისა და შვილების გზით

ნიკო ბაგრატიონის სახელობის სკოლა-ლიცეუმში გაიმართა ტრადიციული კონკურსი „სამეფო გვირგვინი“. ღონისძიება უკვე მესამე წელია იმართება და აღდგომის ბრწყინვალე დღესასწაულს უკავშირდება. კონკურსში მონაწილეობა უფასოა. მისი მიზანია გამოავლინოს და წაახალისოს ნიჭიერი და შრომისმოყვარე მოსწავლეები, გააძლიეროს მათი ორიენტაცია ქრისტიანულ, ეროვნულსა და ტრადიციულ ფასეულობებზე, კულტურაზე, ხელოვნებაზე, ყურადღება გაამახვილოს ქართველ მეფეთა, ღვთისმსახურთა, წმინდანთა, მხედართმთავართა, ხელოვნების მოღვაწეთა ცხოვრებასა და დამსახურებებზე.

წელს კონკურსი ჩატარდა დევიზით – „რწმენა, ოჯახი, სკოლა – წარმატებული მოსწავლე“.

კონფერენციაზე მოისმინეს თემები ქართულ ენასა და ლიტერატურაში, ისტორიაში, ღვთისმეტყველებაში, ინგლისურ ენაში, მათემატიკაში, საბუნებისმეტყველო მეცნიერებებში.

სკოლა-ლიცეუმისთვის განსაკუთრებით სასიხარულო იყო, რომ კონკურსში თბილისის სკოლების მოსწავლეებთან ერთად, მონაწილეობდნენ მოსწავლეები: ჭიათურის, ქუთაისის, ხულოს, ზუგდიდის, ცაგერის რაიონებიდან. აღსაზრდელებმა გამოავლინეს დამოუკიდებელი მუშაობის, შემოქმედებითი და მაღალი დონის შემეცნებითი უნარები. აღმოჩნდა, რომ მომავალი თაობა არ წყვეტს კავშირს წარსულთან. ისინი იკვლევენ, ეძებენ, ფიქრობენ

სამშობლოს ბედზე, დიდ წინაპარ მეფეებში ხედავენ ქვეყნის გონიერ წინამძღოლს, აქედან გამომდინარე, ანალიზებენ ქვეყნის მმართველობის ფორმებსაც. ამიტომაც მოსწავლეებმა განსაკუთრებული ინტერესით იმუშავეს ისტორიულ თემებზე: „ვითარცა მეორე აღმაშენებელმან“ – გიორგი ბრწყინვალე; „საქართველოს მომავალი მმართველობის ფორმა – კონსტიტუციური მონარქია“; „ნიკო ბური – გმირი, მოგზაური, მწერალი“; „ბაგრატიონების როლი ბუნებისმეტყველების განვითარებაში“; „ქრისტეს კვართის ჩამოშორება საქართველოში“ და სხვ.

კონკურსმა გამოავლინა ნიკო ბაგრატიონის სკოლა-ლიცეუმის X კლასის მოსწავლის, **საბა ხიმშიაშვილის** განსაკუთრებული შემოქმედებითი უნარი. მის ესეებში ჩანს დამოუკიდებელი აზროვნება, ამა თუ იმ მოვლენის განსხვავებული ხედვა, მძაფრი კრიტიკა და სწორი ანალიზი. სასიამოვნო აღმოჩნდა იყო ჭიათურის წმ. ანდრია პირველწოდებულის სახელობის მართლმადიდებლური სკოლის VI კლასის მოსწავლის, **გიორგი ხვედელიძის** კრიტიკული მსჯელობის, ანალიზის უნარი, საგნის ცოდნა.

კონფერენციას ესწრებოდნენ პროფესორები: **მანანა ტაბიძე, გურამ ისაკაძე, მანანა გაბაშვილი, მხატვარი ელგუჯა ჩაჩავა, პედაგოგები: ვია ჩხიკვიშვილი, ირმა სოსხაძე, ირმა შიშინაშვილი, ნინო მარკოზია, მარინე პეტრიაშვილი** და სხვ. კონკურსის მონაწილეთა დასკვნითი საზეიმო დაჯილდოება გაიმართა საპატრიარქოსთან არსებულ ახალგაზრ-

დობის სულიერი და ინტელექტუალური განვითარების ცენტრში. გამარჯვებულები დაჯილდოვდნენ საპატიო სიგელე-ბით, სამახსოვრო პრიზებით:

➤ **საბა ხიმშიაშვილი**, ნიკო ბაგრატიონის სახელობის სკოლა-ლიცეუმი, X კლასი; ქართული – I ადგილი; ფიზიკა – I ადგილი; ბიოლოგია – I ადგილი;

➤ **გიორგი ხვედელიძე**, ჭიათურის წმ. ანდრია პირველწოდებულის სახელობის მართლმადიდებლური სკოლა, VI კლასი; ისტორია – I ადგილი;

➤ **ლევან მოდებაძე**, ნიკო ბაგრატიონის სახელობის სკოლა-ლიცეუმი, VIII კლასი; ბიოლოგია – I ადგილი;

➤ **მარიამ ერგემიძე**, ქუთაისის წმ. ნინოს სახელობის საჯარო სკოლა, X კლასი; ისტორია – II ადგილი და სხვ. კონკურსის მონაწილეთა ნაშრომები დაიბეჭდა სკოლა-ლიცეუმის ალმანახში „ლიცეუმის ყვავილი“.

კონკურსში მონაწილე სხვადასხვა რეგიონის პედაგოგებმა მადლიერება გამოხატეს ნიკო ბაგრატიონის სახელობის სკოლა-ლიცეუმის მიმართ. მათი თქმით, მოსწავლეები კმაყოფილი და გახარებული დაბრუნდნენ თავიანთ სკოლებში, კიდევ უფრო გაიზარდა მათი მოტივაცია.

კონკურსს „სამეფო გვირგვინი“ ნიკო ბაგრატიონის სახელობის სკოლა-ლიცეუმი მომავალ წელსაც გამართავს და სიამოვნებით უმასპინძლებს მონაწილეობის მსურველებს.

## იყიდება საქართველო

დიდი ქართველი ნოველისტი, ფილოსოფოსი, პატრიოტი ნიკო ლორთქიფანიძე XIX საუკუნეში გულისტკივილით წერდა, რომ საქართველოს ვკარგავდით, რომ საქართველო იყიდებოდა და, სამწუხაროდ, ორი საუკუნის შემდეგაც გვიწევს ამ ტრაგიკული ფრაზის გამეორება, იყიდება ის, რასაც ადრე საქართველო ერქვა, იყიდება ჩვენი და ჩვენი წინაპრების სისხლით გაუღწეული ჩვენი სამშობლო. დღეს, მსოფლიოს სივრცეში, მხოლოდ ჩვენ ვიყიდებით. პატრიოტიზმი, პატივისცემა, სიყვარული რატომღაც ვაჭრობაში, გამყიდველობაში, პირფერობაში გადაიზარდა, შემცირდნენ სამშობლოზე გულით შეყვარებული, პატრიოტული სისხლით ანთებული ადამიანები. ახლა მოდამი გამყიდველობა შემოვიდა და როგორც კარგი ვაჭარი ასაღებს თავის საქონელს მყიდველზე, ისე ასაღებენ ქართველები თავის მშობლიურ მიწა-წყალს, ჰყიდიან უსინდისოდ და, ამავდროულად, „პროფესიონალურად“. ჰყიდიან სამშობლოს დათოვლილი მწვერვალებით, მთის მდინარეებით, ოქროს და მადნის საბადოებით, მცენარეთა და ცხოველთა უნიკალური ენდემური ჯიშებით, უძველესი ფოლკლორითა და ლეგენდებით, არქეოლოგიური ძეგლებით, წარსულით, ანწყობით, მომავლით... ჰყიდიან ყველაფერს: სინდისს, პატიოსნებას, სიყვარულს, ღირსებას. სამაგიეროდ, ყიდულობენ ხმებს, სკამებს, სამთავრობო პორტფელს და შემდეგ გაყიდულს იკანონებენ. ყიდვა-გაყიდვის მტაცებლურ პროცესში იკარგება მიწა-წყალი, იკარგება ერის ინტელექტი, იჭრება ფესვი, ხმება ყლორტი და ქართველი ხალხიც, როგორც ტრადიციული ბრბო, ერთი მმართველისგან მეორესთან გადადის, მთავრობის მესვეურები მშვიდად და კმაყოფილად ყიდიან სამშობლოს, ყიდიან სულს, ყიდიან ქართველობას, ყიდიან იმას, რაც ერთადერთი ნათელი სხივი იყო ჩვენს არსებაში, ყიდიან თავისუფლებას და ხალხიც ბრმად იყიდება, იყიდება ისე, როგორც კარგად შესუქებული ღორი, იყიდება, იყიდება მისი სული... მაგრამ ბრბო ამ დინებას მშვიდად მიჰყვება, მიჰყვება და მაინც იყიდება... ჩვენი სამშობლოს დაცვა არ გამოგვდის და ყველა ყიდის, ცალკე უქონელი ყიდის, ცალკე მდიდარი, ცალკე მთავრობის წევრი, ცალკე ის, ვისაც გაყიდვის უფლებაც კი არ აქვს, საბოლოოდ, ყიდის ყველა: დიდიც და პატარაც და რატომღაც ვერავინ ვერ ხვდება. საქართველო იყიდება, საქართველო იყიდებოდა სულ, ყოველდღე, ყოველწამს, იყიდებოდა კრწანისში, აფხაზეთში, ცხინვალში... იყიდებოდა ჩვენ თვალწინ, ჩვენ კი, ვითომდა ბრმები, აქეთ-იქით ვაცეცებდით თვალებს, ვაცეცებდით, სანამ ჩვენი ჯერიც არ მოვიდა – გაიყიდეთ... სამწუხაროდ, გაიყიდეთ...

იქნებ დროა, ხმა ამოვიღოთ, იქნებ დროა, რაღაც შევცვალოთ, იქნებ დროა, ჩვენს მიწა-წყალს მთელი არსებით ჩავებლაუჭოთ. დავიცვათ ისე, როგორც საკუთარ შვილებს დავიცავდით, დავიცვათ ისე, როგორც საკუთარ სიცოცხლეს დავიცავდით. დავიცვათ ისე, რომ ვერავინ გაეკაროს ავი თვალით, ავი გულითა და უწმინდური ხელებით. საქართველო საბედისწერო ნახტომისათვის უნდა მოემზადოს და დაძლიოს უფსკრული, ვეფხვის მოქნილობით, ჯიხვის სისწრაფით, ამირანის სიძლიერით და გადამარჯვებულ მომავალს.

**საბა ხიმშიაშვილი, X კლასი**  
ნიკო ბაგრატიონის სახელობის სკოლა-ლიცეუმი

## საქართველოს მომავალი მმართველობის ფორმა – კონსტიტუციური მონარქია

ბევრს მომავალი საქართველოს მმართველობის საუკეთესო ფორმად კონსტიტუციური მონარქია მიაჩნია. ჩვენც ამ თვალსაზრისს ვემხრობით და შესაბამის არგუმენტაციასაც წარმოგადგენთ:

1. ფიქრობენ, რომ მონარქია ტერიტორიული კონფლიქტების მოგვარების რეალური შანსია და ეს ასეცაა. კონსტიტუციური მონარქია არის სრულიად ახალი შანსი აფხაზეთის პრობლემების მოგვარებისა და აფხაზეთთან ერთად ერთიან სახელმწიფოში თანაცხოვრებისა.
2. არსებობს საპარლამენტო მონარქიის ეფექტურობის მსოფლიო გამოცდილება. საქართველოს ეს პრაქტიკა არ გააჩნია და სწორედ ამიტომ ბევრი მონინალდმდეგა ამ მმართველობისა. მათ სხვანაირად წარმოუდგენიათ მეფე ქვეყნის უფლებაც კი არ აქვს, საბოლოოდ, მონარქის შენახვა სახელმწიფოს უფრო ძვირი დაუჯდება, თუმცა გადაჭრით შეიძლება ითქვას, ბევრად უფრო ნაკლები, ვიდრე დღეს უჯდება ჩვენს ქვეყანას პრეზიდენტი საკუთარი რეზიდენციებით, მანქანებით, ვეტმფრენებით, საზღვარგარეთული ვოიაჟებით და მრავალრიცხოვანი დაცვით.
3. რამდენიმე წლის წინ პატრიარქმა მიმართა ერს, ეფიქრა სამეფო ტახტის აღდგენაზე, კონსტიტუციური მონარქიის სახით, რასაც ძალიან დიდი გამოხმაურება მოჰყვა საზოგადოე-

ბის მხრიდან. იყო დადებითი და უარყოფითი შეფასებები, კიცხავდნენ პატრიარქს, რომელსაც თითქოს მონარქიის აღდგენით ეკლესიის ბურჯის გამაგრება სურდა. დაიწყეს იმაზე საუბარი, თუ ვინ იქნებოდა შესაფერისი მემკვიდრე. ისტორიულ საგვარეულოთა შთამომავლების, თავად-აზნაურთა და მათ თანამდგომთა საკრებულოს ინიციატივით და საქართველოს საპატრიარქოს მხარდაჭერით, 2001 წლის 28 სექტემბერს, საპატრიარქოში გაიმართა კონფერენცია თემაზე: „გზა მონარქიისაკენ!“:

„კონფერენცია, რომელიც ამჟამად ჩვენთან ტარდება, ეფიქრობ, მეტად მნიშვნელოვანი და დროულია. ჩვენ შევხვებით ბაგრატიონთა როლს ქართველი ერის ისტორიაში. თითოეულ ჩვენგანს შეუძლია გამოთქვას აზრი იმის შესახებ, თუ რა როლი უნდა დაეკისროს ამ გვარს მომავალში. ჩვენ ყველამ კარგად ვიცით, რომ ბაგრატიონთა წინაპარი არის წმიდა დიდი მეფე და წინასწარმეტყველი დავითი და მისი შვილი, მეფე სოლომონი. დიდა დამსახურება ამ ერთ-ერთი უძველესი სამეფო დინასტიისა მსოფლიოში“.

4. მონარქიის დამკვიდრება უნაყოფო შეიძლება აღმოჩნდეს მანამ, სანამ საზოგადოება არ გააცნობიერებს მის მნიშვნელობას, თუმცა ჩვენს წარსულს რომ გადავხედოთ და გავისხენოთ ბაგრატიონთა უძველესი დინასტიის როლი საქართველოს ისტორიაში, ამით გავამართლებთ ვარაუდს, რომ კონსტიტუციური მონარქიის დამყარება დადებითი მოვლენა იქნება ჩვენი ქვეყნისთვის.

5. კონსტიტუციური მონარქიის დამყარების შემდეგ საქართველო ავტომატურად შევა მაღალგანვითარებული ქვეყნების თანამეგობრობაში, სადაც მონარქიული მმართველობაა და რომელთა შორის არიან: ინგლისი, ესპანეთი, დანია, ნორვეგია, შვედეთი, ბელგია, ჰოლანდია და გახდება ამ თანამეგობრობის სრულფასოვანი წევრი.

6. ყველასთვის უცნობი და განუვითარებელი პოსტსაბჭოური უკანასკნელი რიგიდან ერთბაშად ევროპული ქვეყნების სათავეში მოექცევით, როგორც 1300-წლიანი სამეფო დინასტიის მოქნე სახელმწიფო.

7. მსოფლიოს წინაშე ერთბაშად წარდგება არა სლავური კულტურის ნარჩენებზე აღმოცენებული (როგორც ეს ბევრს წარმოუდგენია), არამედ სრულიად განსხვავებული ეთნოკულტურის, ორიგინალური დამწერლობის, ხელოვნების, ხუროთმოძღვრების, პოეზიის ქვეყანა.

8. საქართველოში სამეფო ხელისუფლების დამყარება ავტომატურად გამოიყვანს ჩვენს ქვეყანას რუსეთის გავლენის სფეროდან, რადგან დსთ-ს პოსტსაბჭოურ სტრუქტურებში ნონ-სენსია სამეფო ქვეყნის არსებობა! მეორე მხრივ, ამგვარი სტატუსის სახელმწიფო გაცილებით უფრო მაღალრეიტინგულია და ღირსეულად იქნება მიღებული ნებისმიერ ევროპულსა და მსოფლიო თანამეგობრობაში, იქნება ეს გაერო, ეუთო თუ ევროპის კავშირი.

9. უცხო ქვეყნების სამეფო ოჯახები დიდ პატივად მიიჩვენებენ თანაბარუფლებიანი კავშირების დამყარებას ღირსებადღეწილ ბაგრატიონთა დინასტიასთან, რის შედეგადაც დინასტიური ნათესაობები ქვეყანათა შორის ნათესაურ ურთიერთობებში გადაიზრდება, ამას ბუნებრივად მოჰყვება კავშირი ჰუმანიტარულ დონეზე და კულტურული ღირებულებების ურთიერთგაცვლა.

10. რაც მთავარია, კონსტიტუციური მონარქიის აღდგენა არავითარ შემთხვევაში არ გულისხმობს ყოფილი თავადაზნაურობისათვის ქონებრივი უფლებების აღდგენას.

11. მონარქი ყოველთვის პოპულარულია, ვიდრე პრეზიდენტი, რომელსაც ზოგჯერ ხმას აძლევს ამომრჩევლის 50%-ზე ნაკლები, ანუ მოსახლეობის უმცირესობა.

12. არჩეული პრეზიდენტები, უპირველეს ყოვლისა, თავიანთ პოლიტიკურ მომავალზე ფიქრობენ და ძალაუფლების შენარჩუნებისათვის ზრუნავენ. მათ შეუძლიათ ისარგებლონ დროებით ხელისუფლებაში ყოფნით, როგორც ეს ხდებოდა, მაგალითად, ბრაზილიაში, რათა გამედრდნენ. მონარქიაზე არ მოქმედებს გავლენა, რომელსაც შეუძლია აცდუნოს ხანმოკლე ვადით არჩეული პრეზიდენტი. მონარქი ერის საკეთილდღეოდ იხედება როგორც უკან, ასწლებულების სიღრმეში, ისე წინ – მომავლისკენ, ფიქრობს მემკვიდრეზე.

ჩვენ ვართ მონარქისტები! ჩვენ ვართ ქრისტიანები! ჩვენ გვსურს, რომ ქვეყანა მართოს მეფემ. ჩვენს ქვეყანას მონარქიულ მმართველობაში 200-წლიანი წყვეტა აქვს, ამიტომ საზოგადოების ნაწილისათვის ეს იდეა შეიძლება მიუღებელი იყოს. მიგვაჩნია, რომ შესაბამისი მუშაობით შევძლებთ საზოგადოების ამ ნაწილის დარწმუნებასაც და აღვადგინოთ ჩვენთვის ტრადიციულ და მომავლისათვის ყველაზე მისაღებ მმართველობის ფორმას – კონსტიტუციურ მონარქიას.

**ნინო მგებლაძე, VIII კლასი**  
**ნიკოლოზ ელისაშვილი, XI კლასი**  
ნიკო ბაგრატიონის სახელობის სკოლა-ლიცეუმი





მარინა დემეტრასვილი

# დისკრიმინაცია

**გაკვეთილის მიზანი:** მოსწავლეები გააანალიზებენ თავისუფლებისა და თანასწორობის უფლების მნიშვნელობას, დისკრიმინაციის ფორმების მრავალმხრივობას როგორც საქართველოში, ასევე სხვა სახელმწიფოებში. გაეცნობიან დისკრიმინაციისგან თავის დაცვის საკანონმდებლო და პრაქტიკულ მექანიზმებს, ასევე გაიაზრებენ დისკრიმინაციის პრობლემის აქტუალურობას და პრაქტიკაში მოქცევის იდეა, რომ შესაძლებლობის ფარგლებში, კანონის დაცვით, ხელი შეუშალოს დისკრიმინაციის ყოველგვარი ფორმის გამოვლენას.

**მიღებული ცოდნის საფუძველზე მოსწავლეები შეძლებენ:** დისკრიმინაციის ფორმების ერთმანეთისგან გარჩევას, პოზიტიური და ნეგატიური დისკრიმინაციის შემთხვევების იდენტიფიცირებას და ერთმანეთისგან გამიჯვნას; გაიაზრებენ და დაინახავენ პრობლემის აქტუალობას; ეცოდინებათ სამართლებრივი დაცვის მექანიზმები.

გაკვეთილს ვინცებთ გონებრივი იერიშით: **რა არის დისკრიმინაცია, რა ნიშნით შეიძლება მოხდეს დისკრიმინაცია? (3 წთ.)** მოსწავლეები ჩამოთვლიან:

- ✓ რასა
- ✓ კანის ფერი
- ✓ სქესი
- ✓ რელიგია
- ✓ პოლიტიკური შეხედულება
- ✓ ეთნიკური წარმოშობა
- ✓ ასაკი
- ✓ სოციალური მდგომარეობა.

ყველაფერი ეს ადამიანის თანასწორობის ძირითადი უფლებებია, ანუ ამ ნიშნით, ფაქტობრივად, თანასწორები ვართ

ყველა, იურიდიულად არ ვართ თანასწორნი. მაგ., სხვადასხვა კვალიფიკაცია გვაქვს ინგლისურ ენაში და სამსახურში ის მიიღეს, ვისაც უფრო მაღალი კვალიფიკაცია აქვს.

ამის შემდეგ მოსწავლეებს ეკრანზე ვაჩვენებთ კონსტიტუციის მე-14 მუხლს:

*„ყველა ადამიანი დაბადებით თავისუფალია და კანონის წინაშე თანასწორია განურჩევლად რასისა, კანის ფერისა, ენისა, სქესისა, რელიგიისა, პოლიტიკური და სხვა შეხედულებებისა, ეროვნული, ეთნიკური და სოციალური კუთვნილებისა, წარმოშობისა, ქონებრივი და წოდებრივი მდგომარეობისა, საცხოვრებელი ადგილისა.“*

მოსწავლეები გაიაზრებენ, როგორ გვიცავს ქვეყნის ძირითადი კანონი, რომ ვიყოთ თანასწორნი და აქვე ვაკეთებთ დასკვნას, რომ ტოტალური თანასწორობა არ არსებობს. ადამიანებს უნდა მიეცეთ შანსების თანასწორობა.

შემდეგ ვსვამთ კითხვას: რა ძირითადი უფლებები ვიცით? აქვე გამოვკვეთავთ ადამიანის აბსოლუტურ უფლებებს. აბსოლუტური უფლებაა ადამიანის ღირსება და პატივი. ამიტომ ნამება, სასტიკი მოპყრობა, მონობა და უფლებების დაპყრობა, აბსოლუტურად თავისუფალი ადამიანი მაინც ვერ იქნება, ამის მექანიზმი არ არსებობს.


თანასწორობის ძირითადი უფლებების დარღვევა ასევე იწვევს თავისუფლების უფლების დარღვევას. მოსწავლეებს ვაცნობთ ციკლონის და ჯონ ლოკის მოსაზრებებს ადამიანის უფლებებზე.

ვიყენებთ კვლავ გონებრივ იერიშს (6 წთ). ჩამოვწეროთ ის მიზეზები, რაც თქვენი აზრით შეიძლება იყოს მიკერძოების, სუბიექტური დამოკიდებულების ჩამოყალიბების საფუძველი საზოგადოებაში სხვადასხვა საკითხთან მიმართებით.

აქვე ვაცნობთ ადამიანის უფლებათა საყოველთაო დეკლარაციის პირველ მუხლს:

*„ყველა ადამიანი იბადება თავისუფალი და თანასწორი თავისი ღირსებითა და უფლებებით, მათ მინიჭებული აქვთ გონება და სინდისი და ერთმანეთის მიმართ უნდა იქცეოდნენ ძმობის სულისკვეთებით.“*

მოსწავლეებმა ჯგუფებში უნდა იმსჯელონ თუ რა ინვესტაციას უნდა გააკეთონ, რელიგიურ და სოციალურ უთანასწორობას. მათ უნდა იფიქრონ რა გავლენას ახდენს ოჯახი, სამეგობრო წრე და სახელმწიფო მოქალაქეებზე აღნიშნულ საკითხთან მიმართებით.



ვაკეთებთ დასკვნას: საჯარო და კერძო ინტერესების ურთიერთშეპირისპირების საფუძველზე, სახელმწიფომ უნდა მოახერხოს საუკეთესო გადანაცვლებების მიღება, რადგან კანონი ვერ უზრუნველყოფს, რომ თანასწორობა იყოს აბსოლუტური.

## სასკოლო აქტივობა

# შეხვედრა საპატიო კურსდამთავრებულთან

სსიპ ქალაქ თბილისის №62 საჯარო სკოლა გულთბილი საიუბილეო შეხვედრა მოუწყო უდიდესი წარმატებების მქონე სპორტსმენს, ჭადრაკში მსოფლიოს ხუთგზის ჩემპიონს, სკოლის მედალოსან კურსდამთავრებულს, ქალბატონ **ნონა გაფრინდაშვილს**.

სკოლაში ჩემპიონის 75 წლის იუბილესადმი მიძღვნილი არაერთი საინტერესო ღონისძიება ჩატარდა, რომელშიც სკოლის სამივე საფეხურის მოსწავლეები დიდი შემართებით ჩაერთვნენ.

სკოლა აქტიურად ახორციელებს განათლებისა და მეცნიერების სამინისტროს ინიციატივებს, რომლის შედეგადაც არაერთი საინტერესო პროექტი განხორციელდა. 2015-2016 სასწავლო წლიდან ჩართული ვართ განათლებისა და მეცნიერების სამინისტროს, სპორტისა და ახალგაზრდობის საქმეთა სამინისტროსა და საქართველოს ჭადრაკის ფედერაციის მიერ ორგანიზებულ ჭადრაკის ელექტრონული სწავლების საპილოტე პროგრამაში, რომელიც მიზნად ისახავს სკოლებში ჭადრაკის პოპულარიზაციას. პროგრამა მოსწავლეებს საშუალებას აძლევს, ხალისით შეისწავლონ ბრძნული თამაშის ელემენტები და ადრეულ ასაკშივე განივითარონ ლოგიკური და ანალიტიკური უნარ-ჩვევები.

სწორედ ამ მიზნებისა და ამოცანების გათვალისწინებით, სსიპ ქალაქ თბილისის №62 საჯარო სკოლა აქტიურად ჩაერთო ჭადრაკის ელექტრონული სწავლების საპილოტე პროგრამაში. აღნიშნული პროგრამით, მეორეკლასელებთან, ოთხ პარალელურ კლასში, ჭადრაკის სწავლებას ვახორციელებ. ნონა გაფრინდაშვილის საიუბილეო საღამოზე დამსწრე საზოგადოებას მეორეკლასელები (ხელმძღვანელი – **ინეზა ფრანგიშვილი**) ელექტრონული პროგრამით სწავლებით მიღწეული შედეგები წარვუდგინეთ. მოსწავლეებმა შეისწავლეს ჭადრაკის შექმნის ისტორია, ფიგურების მოძრაობის წესები. ყოველი გაკვეთილის შესწავლისას პატარები ზღაპრის მხიარული გმირების დახმარებით იმტიციებენ თეორიულ ცოდნას.

საიუბილეო საღამოზე ნონა გაფრინდაშვილმა სკოლის წარმატებულ სპორტსმენ მოსწავლეებს (**მარიამ ჩაჩუას, ქეთევან ვენეცის, მედეა ჩოხელს, ანა შანიძეს, მეგი ფარულუას, ლაშა ბერიძეს, ლაშა გურგენიძეს...**) საკუთარი გამოცდი-

ლება გაუზიარა და მიზნის მისაღწევად შრომისა და ნებისყოფის გამოუმუშავება ურჩია.

სკოლის ბიბლიოთეკაში ჭადრაკში ერთდროული თამაშის სეანსი გაიმართა. მსოფლიოს ჩემპიონთან თამაშის პატივი ერგო სკოლის შიდა ჩემპიონატში გამარჯვებულ 10 საუკეთესო მოთამაშეს (**გიორგი ტაბატაძეს, ლუკა ხარებავას, დავით კობზანაშვილს, ელენე ურიდიას, ლიზი ონიანს, ნინო ლობჯინიძეს, გიორგი ზიზიბაძეს, ნიკა ჯაფარიძეს, ლაშა კუნჭულიას, ნიკა ლობჯინიძეს**). ჩემპიონის ინიციატივით, ყველა შეხვედრა ყაიმით დასრულდა. სპორტული მიღწევების მქონე XI კლასს (დამრიგებელი – **მარინა ბარძიმაშვილი**) ნონა გაფრინდაშვილის სახელი მიენიჭა.

სკოლის სააქტო დარბაზში, იუბილარის საპატივცემულოდ, საზეიმო ღონისძიება გაიმართა. სკოლის სახელით, ნონა გაფრინდაშვილს დაბადების დღე მიულოცა ქართული ენისა და ლიტერატურის პედაგოგმა **გულიკო ბინაძემ**. მონვეულ სტუმარებს მოსწავლეებმა ფოტომასალის ჩვენებით გააცნეს და გაახსენეს ნონა გაფრინდაშვილის წარმატებული სპორტული, ასევე პირადი ცხოვრების ყველაზე მნიშვნელოვანი ეტაპები. დაწყებითი საფეხურის მოსწავლეებმა წარმოადგინეს კონსტიუმირებული, შესაბამისი თემატიკის მუსიკალური ნომრებით გაფორმებული, საქალაქო ზღაპრების კონკურსში გამარჯვებული თეატრალური დადგმა – **„ლეგენდა ჭადრაკის შექმნის შესახებ“**. VI-კლასელებმა – **ლიზი ჩიხლაძემ** და **ლიზი ონიანმა** – ისაუბრეს ჭადრაკის შექმნის შესახებ, თუ რა როლს თამაშობდა ჭადრაკი XIX-XX საუკუნეების ქართველი საზოგადო მოღვაწეების ცხოვრებაში. ბოლოს უფროსკლასელებმა (**მარიამ ათანელიშვილმა, თამარ ლლონტმა, ნუცა მჭედლიშვილმა** და **სალომე ჯავახიშვილმა**), ნონასთან ერთად, დიდი სიყვარულითა და პატივისცემით გაიხსენეს ყველა ის მნიშვნელოვანი ფაქტი, რომელიც ჩემპიონის ცხოვრებას თან სდევდა.

სკოლის ნორჩ მომღერალთა გუნდმა (ხელმძღვანელი – **ნონა ტარიელაშვილი**) საპატიო სტუმარს საგანგებოდ უმღერა მეგარული ხალხური სიმღერა „მახარია“ და „მრავალჟამიერი“. დიდი მოწონება დაიმსახურა **გოგა ბერიშვილისა** და **ნინო სანაიას** მიერ შესრულებულმა სიმღერებმა. ემოციური იყო



სკოლის ქორეოგრაფიული ანსამბლის „პატარა ვარსკვლავები“ (ქორეოგრაფი – **მალხაზ ავალიანი**) მიერ შესრულებული ქართული ხალხური ცეკვა „მთიულური“.

სკოლის დირექტორმა **ელენე შაბურიშვილმა** კიდევ ერთხელ აღნიშნა საპატიო კურსდამთავრებულის, ჭადრაკში მსოფლიოს 5-გზის ჩემპიონის, ქალბატონ ნონა გაფრინდაშვილის წარმატებების როლი და მნიშვნელობა ერის, ქვეყნისა და სკოლის წინაშე. კოლექტივის სახელით, მადლობა გადაუხადა მობრძანებისთვის და გადასცა სიმბოლური საჩუქარი – „მართალი ნონას“ სახელობის ხატი.

საპატიო სტუმარი მოიხიბლა მონაწილე მოსწავლეთა ნიჭიერებითა და შემოქმედებით და სკოლის შთაბეჭდილების ნიგში დატოვებული ჩანაწერით წარმატება უსურვა მშობლიურ სკოლას.

ღონისძიება მიჰყავდათ XI-კლასელებს – **ნიკა კობერიძესა და ეკა გიგაურს**.

**მეგი ქსანაძე**  
ჭადრაკის პედაგოგი, ფიფქოს ოსტატი





თვალსაზრისი

# მასწავლებელთა მასწავლებელი

## „კაზუსები“ მასწავლებელთა და მომსახურების რეაზიონანიშვილის შემოქმედებით

აღზრდა-განათლების მრავალხანაგოვან სისტემაში მასწავლებლის, მოსწავლისა და მშობლის ურთიერთობის განსაკუთრებული როლი აკისრია მოზარდის სრულფასოვან მოქალაქედ ჩამოყალიბებისათვის, რამეთუ ბავშვის ფსიქიკა უაღრესად სათუთი და მყიფეა. ამ ურთიერთობებში დაშვებული შეცდომამ, შესაძლებელია, გამოუსწორებელ შედეგებამდე მიგვიყვანოს. ამიტომაც, მოზარდთან ურთიერთობაში კარგად „აწონილი“ და გააზრებული მიდგომებია საჭირო.

საბედნიეროდ, პედაგოგიურ პრაქტიკაში უხვად მოიპოვება რეალური მაგალითები, საიდანაც კარგად ამოიცნობა მასწავლებლისა და მოსწავლის, მშობლებისა და შვილების საინტერესო თანამშრომლობა თავისი პოზიტივით თუ ნეგატივით, რომლებიც გამოდგება დაკვირვებებისა და სათანადო დასკვნების გამოტანისათვის.

თუ ქართულ მწერლობას მოვხსნივით, აქაც აუცილებლად წავაწყდებით მასწავლებლისა და მშობლისათვის საჭირო „კაზუსებს“, რომლებიც დააფიქრებს, საკუთარ თავს შეაცნობინებს და აიძულებს მოზარდის გარშემო მყოფ ადამიანებს, კრიტიკული თვლით შეხედონ საკუთარ თავს იმ ადამიანებმა, რომლებსაც სკოლასა თუ ოჯახში აღზრდის უძნელესი საქმე აკისრია.

ამ ადამიანებმა თვითშეფასებისათვის უნდა უპასუხოთ შემდეგ კითხვებს:

- „სწორად მოვიქციე თუ არა მოზარდის წინაშე? ხომ არ დავუშვი შეცდომა მასთან ურთიერთობაში? ნაპრაღი უფსკრულად ხომ არ ვაქციე? ჩემი ქმედებით მოზარდისადმი „გაუცხოვება“ მოვიპოვე, თუ — მისი ნდობა და სიყვარული?“

ამ კითხვებზე დაფიქრება მანამ მოგვიწევს, სანამ მოზარდთან ურთიერთობაში პრობლემებს პირდაპირ შევჩერებოდეთ. ასევე გაზომილი არაონილი მიდგომების მოხმობა დაგვიკრძალებს მათთან ურთიერთობებში.

დიახ, მოვხსნივით ქართული მწერლობა და შევჩერდეთ დიდი ქართველი მწერლის, რევაზ ინანიშვილის შემოქმედებაზე. გულდასმით წავიკითხოთ მისი ნოველები: „შორი თეთრი მწვერვალი“, „დამრიგებელი“, „ჩიტების გამომზამთრებელი“. ეს ნაწარმოებები ბევრ კითხვაზე გასცემს პასუხს და ერთგვარ „გზამკვლევებად“ გამოგვადგება მოზარდებთან ურთიერთობაში როგორც მასწავლებლებს, ასევე მშობლებსაც.

### „შორი თეთრი მწვერვალი“

ნოველის შინაარსი ასეთია: სექტემბრის ცხელი დღეა... ქალაქს ბული ასდის. საზაფხულო არდადეგები ახალი დასრულებულია... მოსწავლე შინდელაშვილის გონება ისევ სოფელშია ჩარჩენილი. მასწავლებელი კლასში ადგენს გარემოებას ხსნის. ბიჭი კი ზის გაკვეთილზე, მაგრამ ვერ შედეგია სოფლის სანახებს და ფიქრებით ბილიკებს მიუყვება, ხედავს რაღაც მორაკაკე მომწვანო წყალს, ახლა არყის ხდა და წყალსაც ცოტა ღვინისფერი დაჰკრავს.

ბიჭი ახლა, გაკვეთილზე, გრძობს ღვინისა და წენგოს სურნელს; ხედავს ტალახთან ორღობეს, გადაშლილ სივრცეებს, რიყში ჩაკარგულ იორს, გორაზე — უჯარმას, ნახნავებს, ტყეების უკან თეთრ, ღამაზ მწვერვალს ხედავს, ზამთარ-ზაფხულ სულ თეთრს, ხან ლეგა ღრუბელი რომ წამოადგება თავს, ხანაც მზე რომ მოავარაყებს ოქროსფრად. ამას ყველაფერს გაჰყურებს გულსცემით ბიჭი...

„უცებ გამოერკვა... მთელი კლასი მას მისჩერებოდა დამციხავი ღიმილით.“

...და უცებ, მასწავლებელი თავს დააცხრა:

- არ გესმის, შინდელაშვილი?!.. გაიმეორე, რას ეწოდება ადგილის წარმოება?
- ბიჭი წამოგდა, ხელები მერხის კალთებს ქვეშ ამოაწყო, თავლებში ისევ გაურკვევლობის ბურუსი ედგა...
- ვაი, შენს პატრონს, უბედურს, შტონია, სკოლაში გამოგგზავნა შენც!.. — ზიზღით თქვა მასწავლებელმა. მაგიდის ბლოკნოტი აიღო და ნითელი კალმით რალაც ჩაინიშნა.
- გაიკარ ორიანი, ბიჭო? — კახურ კილოზე გამოსძახა უკან მერხიდან დიდმა ბიჭმა.
- კლასი ახარხარდა.
- რა ამბავია! — იყვირა მასწავლებელმა.

შინდელაშვილი დაჯდა. თავი ჩაღუნა და ქვედა ტუჩს კვნესა დაუწყო. მის გვერდით მჯდომმა გოგონამ შეამჩნია, რომ წვრილი, შავყვითელი თითები საბრალოდ აღუკანკალებდა.

ქუჩაში ტრამვაის ბიგელმა კაშკაშა, ბრაზიანი ცეცხლი გაუჩინა მავთულს...

პრობლემა თვალსაჩინოა, რომელიც მასწავლებელმა თავად შექმნა თავისი უტაქტობით. მან საერთოდ არ ისურვა, გაერკვია მოსწავლის უყურადღებობის მიზეზი და ბავშვის ფაქიზი ფსიქიკა შეურაცხყო. მოსწავლეებიც დამცინავი მხერითა და ხარხარით „შეასია“ მეოცნებე ბიჭს... მიძიმე დარტყმა და სტრესი მიყენა სოფლის სანახებზე შეყვარებულ ბიჭს...

ისმის კითხვა: — რატომ იყო ბიჭის ფერადოვან, ხატოვან ფიქრებზე უკეთესი გრამატიკული კატეგორია, თუნდაც, ადგილის გარემოება?..

სამწუხროდ, მასწავლებელმა ვერ შეძლო ბავშვის ფიქრების ამოცნობა და მძიმე ფსიქოლოგიური დარტყმა მიაყენა მას, კლასის დაცინვის ობიექტიც გახდა... გააჩინა უზომოდ ღრმა და ამოუვსებელი ნაპრაღი მასწავლებლისა და მოსწავლის ურთიერთობაში.

როგორ უნდა მოქცეულიყო მასწავლებელი? ბიჭთან, რომელსაც უყურადღებობა შეამჩნია მასწავლებელმა, სხვებისაგან შეუმჩნეველად, ყოველგვარი „თავდასხმის“, გა-

წინმატებისა და ლანძღვის გარეშე, უნდა მისულიყო პედაგოგი, თანადგომითა და სიყვარულით მხარზე ხელი დაედო და ეთქვა:

— გეტყობა, ფიქრებით სადღაც შორსა ხარ, ჩემო კარგო... არ შეგიძლია მოისმინო გაკვეთილის ახსნა? თუ მოსწავლე ისევ უყურადღებობის მორევში ჩაიძირებოდა, გაკვეთილის შემდეგ შეძლო ეკითხა ბიჭისთვის გონებაგაფანტულობის მიზეზი. დიდი ალბათობით, ბავშვი „გაუტყდებოდა“, იქნებ ამ „ფერადი ფიქრების“ — სოფლის პეიზაჟის დაწერაც ეთხოვა მასწავლებელს მისთვის და, როცა ნანერს გაეცნობოდა, შეექო კიდევ ბიჭის ნაზრევი. მერე შეიძლებოდა ისიც დაემატებინა, რომ თუ გრამატიკის გაკვეთილებსაც ყურადღებით მოისმენდა, ნაკლებ შეცდომებს დაუშვებდა და მისი ასეთი „სურათოვანი ფანტაზია“ მკითხველის დიდ მოწონებას დაიმსახურებდა.

სწორედ ამ გზით გაიძებოდა ნდობის, სიყვარულისა და პატივისცემის ხიდი „უყურადღებო“ მოსწავლესა და უტაქტო მასწავლებელს შორის.

ყოველივე ზემოთქმულიდან გამომდინარე, მასწავლებელი ვალდებულია, შეიმუშაოს სწორი მიდგომები და სტრატეგია მოსწავლეებთან ურთიერთობისათვის. თავად მწერალმა, რევაზ ინანიშვილმა, როგორც ჩანს, კარგად იცოდა სწავლა-აღზრდის ეს პრობლემები. ამიტომას თავისი მშვენიერი ნაწარმოებების წყალობით შექმნა დამაჯერებელი სიტუაციები მასწავლებელთა შეცდომების გამოსასწორებლად, მოზარდი თაობის სათუთი გულისა და ფაქიზი სულის გაფრთხილებისათვის.

### „დამრიგებელი“

რევაზ ინანიშვილის ნოველა „დამრიგებელი“ ბევრ საყურადღებო დეტალს მოიცავს მასწავლებლის, მოსწავლისა და მშობლის ურთიერთობების შესახებ. ეს ნაწარმოები კიდევ ერთხელ შეგვახსენებს, რომ მოზარდის ფსიქიკა სათუთია, რომ მასზე გაუგებრობის ახდენს გარემო ფაქტორები, შემხვედრითი სიტუაციები, ადამიანთა დამოკიდებულებები და სხვა ფაქტორები, რომლებსაც, სამწუხაროდ, უფროსები ხშირად ანგარიშს არ უწევენ და პრობლემებიც ამ მიზეზით ღრმავდება.

ნოველა იწყება მასწავლებლის — დამრიგებლის გაცნობით, იგი იყო თერთსაყელიანი, ტანსნორი, ფერმიკრთალი, თითქოს გაჩერებული შავი თვალებით. შედის გაკვეთილზე მაშინ, როცა ბავშვები ფანჯრიდან უცქერენ ფერდობზე აგნისებული ძაღლების ხროვას, მასწავლებელიც გაიხედავს ფანჯრიდან და თითქოს არაფერი დაუზნავს (სწორადაც იქცევა), იწყებს გაკვეთილს: იძახებს ოთხ მოსწავლეს. სამს, „ორიანს“ უწერს, ერთს — „სამიანს“. გოგონა, რომელმაც „სამიანი“ დაიმსახურა, ხუთოსანი, მოწესრიგებული, კარგი ოჯახშივლი, ბეჯითი... გოგონა ცრემლებს ყრის.

მასწავლებელი თავის პოზიციას „ამაგრებს“ და ეუბნება: „ტირილი კი არა, სწავლაა საჭირო“... ბავშვი ტირილს უმატებს, ზღუქუნებს... დამრიგებელი უახლოვდება, ხელს ჰკიდებს გოგონას, დერეფანში გაჰყავს სიტყვებით: „ტირილს რომ მორჩები, მერე შემოდი“. მთხრობელი შენიშნავს: „გოგო სულ აღარ შემოსულა“.

აქ შევჩერდეთ და გავანალიზოთ მასწავლებლის ქმედება: პრობლემა გაჩნდა, რომლის შემოქმედი, სამწუხაროდ, თავად დამრიგებელია... გულისხმიერების დეფიციტი და არასწორი მიდგომა თვალსაჩინოა დამრიგებლის მხრიდან. სწორედ ამამი მდგომარეობს პრობლემა, სად დააშავა მასწავლებელმა?

დეტალებში განვიხილოთ ინციდენტი: გოგონა, რომელსაც მასწავლებელი ასე უტაქტოდ „გაუმასპინძლდა“, ბეჯითია, ფრიადოსანი, თანაც ემოციური და არცთუ არაადეკვატური ემოციების მფლობელი. განა შეიძლება ასე დაცხრე თავს ბეჯითი, მოწესრიგებულ მოსწავლეს გაკვეთილზე?

მასწავლებელს უნდა ეპატიებინა არცოდნა, იმის გათვალისწინებით, რომ იქნებ რაიმე მიზეზი არსებობდა, რომ გოგონამ სათანადოდ ვერ მოაზნადა საგაკვეთილო მასალა. ბავშვის გარეთ გამგებობით მასწავლებელმა ბზარი უფსკრულად აქცია... ამ უტაქტო ქმედებით შეიძლება „დაკარგა“ კიდევ გოგონა, რადგან გაჩნდა გაუცხოება ბავშვსა და დამრიგებელს შორის... სადა და ემპათია, მიმტვებლობა, გოგონას ფსიქოლოგიური მდგომარეობის ამოცნობის მცდელობა... ყოველივე ეს მასწავლებლის ვალდებულება გახლდათ.

ამ დამრიგებელზე საბოლოო წარმოდგენა შეგვექმნებოდა რომ არა ნოველის მეორე ნაწილი, რომელშიც სხვა მოსწავლესთან, სხვა სიტუაციაში იგივე მასწავლებელი სულ სხვაგვარად არ გვეხილა. „დღეიდან ბინებში ჩამოვლას ვიწყებ, თქვენი ოჯახური პრობლემა უნდა შევამოწმო“, — განაცხადა კლასში დამრიგებელმა, ამ დღიდან მოსვენება დაკარგა ბიჭმა, რომელიც უკიდურეს გაჭირვებაში ცხოვრობდა. რვა კვადრატულ ოთახში შეხინჯულიყო მთელი ოჯახი, ბებია მინურ იატაკზე იძინებდა, როცა განვიმდებოდა, მაგიაზე აწყობდა ქვეშავეებს და იქ წევობდა. მიუხედავად ამისა, სრული ოჯახური იდილია სუფევდა. ბიჭი ბეჯითად სწავლობდა.

დედა სამუშაოზე დადიოდა, თავ-თავისი ულუფა — ხშირად ლობიოს წვნიანი ან უხორცო სუპი და შავი პური — ჰყოფნიდათ. აქ არავინ ჩხუბობდა, ან ამას რატომ არ ჭამ, ან გაკვეთილებს რატომ არ ამზადებო... მაგრამ მას შემდეგ, რაც დამრიგებელმა კლასს განუცხადა, რომ მოსწავლეს შინ ეწვეოდა, დაიწყო ბიჭის ფსიქიკის რღვევა, ნელმონწყვეტილი დაბრუნდა შინ. უგემურად, გაღიზიანებულმა ისადილა, წავიდა და დაიკარგა.

ბიჭის განცდებს მწერალი პირველ პირში გადმოგვცემს. თხრობის ეს ფორმა ბავშვის ემოციურ ფონს უფრო მძაფრად წარმოაჩენს და მკითხველისათვის მეტად გასაგებ ხდება: „წა-

ვედი, დავიკარგე, ხუდადოვის ტყის პირას ავბორიალდი... სანამ კარგად არ დაღამდა, ქვემოთ აღარ გადამხედავს, — არ მინდოდა დამრიგებელს შინ დაგვედროდი“...

ასე გრძელდებოდა დიდხანს... მასწავლებელი ბიჭის ოჯახს მაშინ ეწვია, როცა თავად შინ არ იყო... „დამსხდარან ბებია და დამრიგებელი, კარგახანს ულაპარაკიათ. მე რომ დავბრუნდი, დამრიგებელი ახალი წასული იყო. ბებიაშე შევბამცემულმა მითხრა, — მოვახსენე, როგორც საჭირო იყო, შენს დამრიგებელს ყველაფერიო. მე არც ამაზე ამომილია ხმა... ადრე დავწევი, იმ ღამეს სამჯერ გამეღვიძა, მამლების ყვილი მესმოდა, მკერდში სულ რაღაც მწინკნია.“

მეორე დღეს თავს ველარ ვხვედი გაკვეთილებზე. დამრიგებელი რომ შემოვიდა, მაშინ ხომ მინდოდა მინაში ჩავმძვრალიყავი, თითქოს კიდევ მცოდნა, მაკანკალებდა. გაიძახა სხვები, თან იმათ უსმენდა, მე სამჯერ ამიარა გვერდი. ერთხელ შეჩერდა, თავი ამანვეინა და თითქმის ჩურჩულით მითხრა, ასწიე თავი, შენ ძალიან კარგი ბებია გყავსო...“

აი, ეს ქმედება მასწავლებლის მხრიდან სწორია. მან „უნამლა“ ბავშვის ნატკენ სულს... უკვე გაიბა კეთილგანწყობის ძაფი დამრიგებელსა და მოსწავლეს შორის, კომპლექსებითა და არასრულფასოვნების მტანჯველი განცდებით სულნატკენ ბიჭს ისევ მასწავლებლის სწორმა ტაქტიკამ „უშველა“, მაგრამ კიდევ მოხდა რაღაც, რამაც ბიჭი მტანჯველი განცდებიდან საბოლოოდ იხსნა. რა იყო ეს?

ორი დღის შემდეგ მასწავლებელმა ბიჭს ნავთით სავსე ბილონი თავის სახლში გაატანა. „შემოდი, შემოდიო, — დამრიგებლის დედამ თითქმის ძალით შემეიყვანა შინ. ორი ვაჭლი მომცა. მე სულ თავჩაღუნული ვიდექი, მაგრამ მაინც მივხვდი, რომ მათი ოთახი ჩემს ოთახზე უფრო პატარა იყო, მაღალი, მაგრამ პატარა...“

წამოვედი, ვაშლის ჭამა არ მინდოდა. მერე მაინც ფრთხილად ჩავბინე. თავს ვიკავებდი, მაგრამ ერთი მწარე ცრემლი მაინც მოვიწმინდე მაჯით...“

იმ დღიდან დამრიგებელი ძალიან შემეყვარდა. ვატყობდი, იმასაც ვუყვარდი“.

რა მოხდა ბავშვის ფსიქიკაში? ბიჭს ის კი არ გაუხარდა, რომ მასწავლებლის სიღარიბე „აღმოაჩინა“, არამედ მან შეეგრძნო, რომ ადამიანური ღირსება და სიღარიბე სრულიადაც არ არის ერთმანეთის პროპორციული, რომ ასეთ სოციალურ პრობლემებში შეიძლება ცხოვრობდეს სრულფასოვანი ადამიანი, რომელსაც არ უნდა სტანჯავდეს არასრულფასოვნების განცდა, რომ სიღარიბე სრულიადაც არ არის სირცხვილი... ამას დაემატა მასწავლებლის კეთილგანწყობითი დამოკიდებულება ბიჭისადმი და აფორიაქებული სული დაუწყნარდა... თუ „მასწავლებელი მოსწავლის „სულის ინჟინერია“, მაშინ მას ბავშვის უჯანსაღი სულის „საშენებლად“ „საშენი მასალაც“ უნდა ჰქონდეს... ეს „საშენი მასალა“ არის სწორი მიდგომები, რომელიც მასწავლებელს მოსწავლისათვის მომარჯვებელი უნდა ჰქონდეს და საჭირო დროს, საჭირო სიტუაციაში გამოიყენოს.

რევაზ ინანიშვილის „დამრიგებლის“ მთავარი სათქმელიც სწორედ ესაა...

### „ჩიტების გამომზამთრებელი“

მოზარდის სრულფასოვან მოქალაქედ ჩამოყალიბებაში არა მარტო მასწავლებლისა და მოსწავლის ურთიერთობაა მეტად ფაქიზი და მნიშვნელოვანი ფაქტორი, არამედ მშობლების შეილებსადმი დამოკიდებულებასაც სჭირდება სწორი მიმართულება, რამეთუ მოზარდის მეტად მგრძობიარე სამყარო მშობლების დახვეწილ მიდგომებს ითხოვს, რათა არ დამახინჯდეს მიდი სული. ჩვენ, სკოლაც და ოჯახიც, ერთობლივად ვემსახურებით ღირსეული თაობების აღზრდას. ამიტომაც მიმაჩნია, რომ ორივე სფერო სწორი მიდგომებითა და დამოკიდებულებებით თანაბრად უნდა ზრუნავდეს სულიერად და ზნეობრივად უჯანსაღი თაობის აღზრდაზე.

ნიჭიერი ქართველი მწერალი რევაზ ინანიშვილი ამ პრობლემებზეც დაფიქრებულა და ამიტომაც შეუქმნია შესანიშნავი ნოველა „ჩიტების გამომზამთრებელი“.

ნაწარმოების დასაწყისში ვხვდებით, რომ ოჯახში, ერთი შეხედვით, ყველაფერი წესრიგშია: პრიალებს პარკეტი, შემოსასვლელთან ფლოსტები აწყვია, სადილის გემრიელი სუნიც დგას, დედა სამწილად გაღიზიანებულია, სკოლიდან გულგახეთქილია მოსული. ვაჭიშვილისთვის მამას რეიტუზი უყილია... განჩხლებული დედა კაპასობს:

„— ვის უყიდე, ვის! მაგ დებილს, არანორმალურს? გგონია, რომ ესწრება ფიზკულტურას?... ვაცადინე სამსახური და ნახე, სად დადის ეგ შენი დეგენერატი ვაჭიშვილი, რას სწავლობს, ან, საერთოდ, თუ აკეთებს რამეს... რა ჭირზე ფიქრობს, გამოლენჩებული რომ ზის გაკვეთილზე. ჩაიდი, ბატონო, და გაიგე, რას ამბობენ მასწავლებლები...საკონტროლოებში ორები, გეომეტრიაში ზედიზედ სამი ორი, ქიმიამი ორი, ქართული როა, ქართულშიც კი ორი აქვს მიღებული... შემიყვანეს, როგორც უკანასკნელი დებილი, დამაჭირინეს კლამი, მომიკიდეს ზედ ხელი და ისე დამაწერინეს ხელწერილი: ერთი ორიანიც რომ მიიღოს კიდევ, პროფსასწავლებელში უნდა გადავიყვანოთო“...

ამ ოჯახურ დიალოგში ჩანს, რომ დედა მძაფრი ემოციით განიცდის შვილის წარუმატებლობას, ადანაშაულებს მამას და სთხოვს, აქტიურად ჩაეროს შვილის აღზრდაში. მამას მიაჩნია, რომ საჭირო არაა ყველას თეთრი ხელები ჰქონდეს და თეთრი ტელეფონი ეჭიროს. თუ მამის პოზიციას გავანალიზებთ, უნდა ეთქვას, რომ ეს კაცი მართლაც ამბობს, რეალურად მსჯელობს, მაგრამ დედა იმას შეეგუება, რომ შვილი წარუმატებელი იყოს? არა, მოკვდება ქალი!.. ამიტომაც ისტერიულად განიცდის შვი-





თვალსაზრისი

ლის მდგომარეობას და ქმარს კაპასად სთხოვს, ჩაერიოს უმს-გავსო შვილის მორჯულებში.

„რა გენა, რა გააკეთო, როგორ მოვიქცე, რით დავინყო? – ამბობს გაანჩხლებული ცოლით თავმოებურებული ქმარი.

„– შიში ჩაუწერე ბავშვებს, შიში, რომ, რაც გასაკეთებელი აქვთ, გააკეთონ, თუ არ გააკეთებენ...“

„გაიღება კარი. შემოდის გაღიმებული თხუთმეტი წლის ბიჭი. მალაღია, წერილი, მხრებში მოხრილი... გაბერილი ქალაღლის პარკი უკავია მკერდთან. მთელი სხეულით მოაქვს გასახარი ამბავი. დიდხანს ინმენდს ფეხებს.

– ფანჯრები დაკეტილია? – კითხულობს. – ჩიტბატონები ვიყიდე, მთლად იაფად, გამოვაზამთრებ და გაზაფხულზე გავუშვებ...“

პარკს პირს მოხსნის და ჩიტებს ამოაფრენს... ისინი ფრთხილდებიან ოთახში, ბიჭი ქვემოდან შესცქერის და ბედნიერებით უბრწყინავს სახე...“

ქალი წამოეწარება, საკუჭნაოდან იატაკის სანმენდ ჯოხს შემოიტანს და ჩიტებს გამოედევნება.

ბიჭი: – არ დაარტყა, არ დაარტყა!..

ქალი: – გამეცადე, თორემ შენ გავიხეთქავ თავს!..

ბიჭი: – მამა, არ დაარტყას, მამა!

მამაკაცი ჭამს... თეფშს დაჰყურებს...“

ქალი ერთ ჩიტს მისწვდება და კედელზე მიაჩქქვავს, დასდევს მეორე ჩიტსაც

ბიჭი: – დედა!... მამა!... დედა!...“

ქალი: – გამეცადე!..

ქალი მეორე ჩიტსაც მისწვდა და აწყვილებული მისრისა კუთხეში

ბიჭი: – კარგი, დედა!..

დიდი საბრალობელი თვალები ცრემლებით აქვს სავსე. მიღის, ჯერ, ერთ ჩიტს აიღებს უმწეო ფრთით, მერ – მეორეს. დგას ჩიტებით ხელში, თითქოსდა ფეხებდაუძლურებული. მერე უცნაური ლაყვნით მიდის, სანაგვე ყუთში ყრის...“

ბიჭი: – კარგი!.. კარგი!..“

ფერდაკარგული ქალი იატაკის სანმენდ ჯოხს საკუჭნაოში შეიტანს და კარს ღონივრად გამოხურავს. მამაკაცი ხმას არ იღებს...“

ბიჭი: – კარგი!.. კარგი!..“

მამაკაცი: – თუ არავინ გავალებს, არც ჩიტების გამოზამთრება საჭირო, თუ არავინ გავალებს!..“

ბიჭი: კარგი!.. კარგი!..“

ყველაფერი ნათელია. მშობლები არ იცნობენ თავიანთ შვილს... ბიჭი მარტოა საკუთარი მშობლების წინაშე, მათ არ ესმით მისი... ამოდ ეძებს შემფოთებული სახით თანაგრძობას საკუთარ ოჯახში, მაგრამ, სამწუხაროდ, ვერ უპოვია იგი...“

როგორ შეიძლება ცუდი იყოს მოზარდი, რომელმაც სახლში მოიყვანა გამოსაზამთრებლად ჩიტბატონები... ასეთი ბავშვი ხომ კეთილია, უყვარს ბუნების შეილები და სასიკეთო საქმის ჩადენა სურს, მაგრამ ვინაა დამნაზი... როგორც ჩანს, მას არც სკოლაში იცნობენ, ვერსად ვერაფერს უგვებს...“

ასე მარტო დარჩენილი მოზარდი, შესაძლებელია, ქუჩამ მიიტაცოს... მშობლებთანაც გაუცხოვდეს... თუმცა მშობლები, კარგა ხანია, როგორც ჩანს, განზე დგანან შვილისაგან...“

ბიჭი, რომელსაც ასეთი ფაქიზი და სათნო სულიერი სამყარო აქვს, მშობლებმაც უნდა შეიცნოს და მასწავლებლებმაც... ამაშია პრობლემა. გარდენის მრავალმხრივი განვითარების

თეორიის გათვალისწინებით, ბიჭის ინტერესის სფერო – ცოცხალი ბუნების სიყვარული, იგნორირებულია ყველასაგან. მიუხედავად ამისა, ის მაინც მიმტევებელია... თავად ამშვიდებს გამხეცებულ დედას და გულგრილ მამას იმ სისასტიკის შემდეგ, რაც დედამ ჩაიდინა. ბიჭს ჩაუქრეს სიხარულით გაბრწყინებული თვალეები, მისი კეთილშობილი სურვილი, გამოეზამთრებინა ჩიტბატონები, უხეშად ჩაკლეს. ამიტომაც, სრულიადაც არაა გასაკვირი, რომ ამ ბავშვს სწავლაზე გული აეცრუებინა, სავარაუდოდ, ალბათ არსებობდა ბიჭის ცხოვრებაში ისეთი ფსიქოლოგიური სტრესები, რომელსაც ვერასოდეს ვერავინ „უნამლა“, ვერც ოჯახში და ვერც სკოლაში... გარემოსთან, რომელშიც იგი ცხოვრობს, გაუცხოვებულია ბიჭი. მან არ იცის თანადგომა და გულთბილი დამოკიდებულებები... სწორედ ესაა პრობლემის ანი და ჰოე!..“

ამ პრობლემების მიზეზმდეგობრივი კავშირების ამოცნობა, მისი პრევენციის გზების ძიება და სწორი მიდგომების სააღმზრდელო სისტემის მთავარი საქმე. სწორედ ამაზე მიგვანიშნებს მწერალი რევაზ ინანიშვილი თავის ნოველებით.

დიდი მოაზროვნე შარლ მონტესკიე ხომ ბრძანებდა: „მთავარი ის კი არაა, იკითხო, მთავარია იფიქრო“. სწორედ ბევრ საფიქრალს გვიტოვებს ეს ნოველები მასწავლებლებს, მშობლებს... ამიტომაც გვევლინება იგი მოძღვრად, მოზარდი თაობის ქომბად და თავისი შემოქმედებით მიგვანიშნებს უზენაეს ჭეშმარიტებაზე: „ისე აღზარდე შენ შვილის სული, რომ წინ წარუძღვეს ჭეშმარიტება, უკან ჰრჩეს კვალი განათებული!“ (ილია)

მარინა არაბიძია-აშვიტია  
სისი წმინდა ნინოს სახელობის ქუთაისის №3 საჯარო სკოლის  
ქართული ენისა და ლიტერატურის მასწავლებელი

საუბრაბი ლიტერატურაზე

რამდენიმე სახისმეტყველებითი ასპექტი „ვეფხისტყაოსნიდან“

სახეებით აზროვნება და სიტყვით გამოსახული ხატი მარად ძიების საფუძველია. „ვეფხისტყაოსნის“ პერსონაჟთა სახეების გასახსნელად მრავალი ჰიპოთეზა არსებობს: იდეა იძებნება სახელში, ქმედებაში, სიუჟეტში. ნეოპლატონიზმისა და არეოპაგეტიკულ მოძღვრებათა დედა იდეა – სიკეთის უზენაესობა – რუსთაველმა მთელი სიცხადით გაამყლავა.

„ამ საქმესა დაფარულსა ბრძენი დივნოს გააცხადებს“ (1500, ა, გვ-471) ბრძანებს რუსთაველი. რა დაფარული საქმე იგულისხმება დიონისესთან მიმართებით? „თავდაპირველად ღმერთმა შექმნა ცა და დედამიწა, დედამიწა იყო უფორმო და უდაბური“ (დაბ, 1.1-2, გვ 9) – ასე იწყება ბიბლია და პირდაპირ გრძელდება მყარის მონესრიგების თანმიმდევრული თხრობა. ბიბლიაში ზეციურ სამყაროზე არაფერია ნათქვამი. ესაა დაფარული საქმე, რომელიც კაცობრიობას წმ. დიონისე არეოპაგელის საშუალებით გამოუცხადა უფალმა. წმ.მამამ, დიონისე არეოპაგელმა, რომელიც პავლე მოციქულის მოწაფე იყო, თავის შრომაში დაწვრილებით აღწერა ანგელოზთა ზეციური სამკვიდრო (წყარო: ჟურნალი „ცისა კარი“) რა შეიძლება გავიცხადოს დიონისემ „ვეფხისტყაოსანში“? ხომ არაა საფიქრებელი ანგელოზთა პერსონიფიკაცია? ამ მხრივ განსაკუთრებულ ყურადღებას ასმავთ იქცევს, რომელიც ხორციელი არსებისთვის დამახასიათებელ ნიშან-თვისებებს ნაკლებად ავლენს. მას არ გააჩნია პირადი ცხოვრება, თავისუფალია მატერიალური დამოკიდებულებებისაგან. ანგელოზებრივ ნიშანთაგან ასმავთ აქვს სამი სახასიათო შტრიხი: 1) იგი განსაცდელში მყოფთანაა, 2) მუდამ ტირილსა და მწუხარებაშია, როდესაც ტარიელი ავლენს სულიერ სისუსტეს, 3) იგი არასოდეს ტოვებს ტარიელს, ტარიელი მიატოვებს ხოლმე მას. ასმავთი ტარიელთან უნესტანობის პერიოდშია, ქვაბში ყოფნისას, რაც სიმბოლოა სულიერი წრთობისა, განწმენდისა. უფალი ბრძანებს „ცეცხლში გავატარებ...და განწმენდ მათ, როგორც ვერცხლს, და შევაბრძნებ, როგორც ოქროს“ (ზაქ. 13.9, გვ. 1267). სწორედ ასეთ საუფლო წმენდის, ცეცხლში გავლის ჟამია ტარიელისთვის გამოქვაბული.

ასმავთის მუდმივად თანხლება ტარიელთან, მისი ტირილი და მწუხარება ტარიელის უნიათობის ჟამს, მისგან „არ დავდება“ განსაცდელში მყოფისა, მიემართება ანგელოზებრივ თვისებებს და ანგელოზის ქმედება-ფუნქციასთან ჰპოვებს პარალელს. ცათა რომელი მკვიდრის პერსონიფიკაცია შეიძლება იყოს ასმავთი? წმ.დიონისეს მიერ აღწერილ ცხრა მთავარანგელოზიდან ასმავთს შეესაბამება რაფაელი: „რაფაელი – „ნიშნის ღვთის შეწევნა“. წმიდა მთავარანგელოზი რაფაელი მძიმე განსაცდლების ჟამს ეხმარება ყველას, განსაკუთრებით კი მაშინ, როცა სასიკვდილო სენით იტანჯება ადამიანი. ამიტომ გამოსახება იგი ხატზე თასით ხელში. ეს მთავარანგელოზი მოგზაურთა მფარველიცაა და სასონარკვეთილებსაც დიდ ნუგეშს აძლევს“ („ცისა კარი“), მძიმე განსაცდელი, სახლიდან შორს ყოფნა, თავის თავის ხშირად დაკარგვა, სასონარკვეთილება – ტარიელის მახასიათებელი მოვლენებია. აქ ასმავთი ზუსტად იმ ფუნქციას ასრულებს, რაც რაფაელ მთავარანგელოზთან პირდაპირ კავშირშია. რატომაც იგი ქალის სახით მოცემული? ხატებზე ანგელოზები მამაკაცის სხეულით გამოსახებიან, თუმცა ეს სიმბოლოა. ისინი არიან უსხეულო, უხორცო, უსქესო არსებები. ამიტომ დასაშვებია იგი ქალის სახით გამოეხასა ავტორს. „ასმავთ (არაბულად) – უმნიველო, უმანკო“ (წყარო: icode.ge.2010/05/04, ქალის სახელების ახსნა) ეს ნიშანიც შეიძლება იყოს მითითება ასმავთის არამატერიალური ბუნებისაკენ.

უნესტანობისას „არ დაავდებს“, მაგრამ ნესტანის მოპოვე-

ბაში ვერ ეხმარება ასმავთი ტარიელს. აქ საჭიროა „სხვა ძალა“, ეს კი ავთანდილია, რომელიც, ასევე, ასმავთის შემწეობით მიიტი ტარიელმა. ტარიელი დევებისულ გამოქვაბულშია, აქ არის საჭურჭლე და „აბჯარი საკვირველი“, რომელიც ტარიელისთვის დახმულია, დაკეტილია ორმოცი კარით, ამ კლიტეების გაღება ავთანდილის გარეშე არ ხდება (1374,დ; გვ-426), საჭურჭლე და „აბჯარი საკვირველი“ სიმბოლოა გონებაზე ხელმწიფებისა, თავის უფლებისა, საკუთარი თავის თანხლების ნება, ადამიანის უმაღლესი მონაპოვარი, რომელიც წრთობითა და ცეცხლში გადადუღებით მიიღწევა და რის შემდეგაც შესაძლებელი ხდება საღვთო სიბრძნისა და სულიწმიდის შეცნობა, ადამიანის სულიერი თავისი ახელა. მოციქულთაგან პეტრეს აქვს ხელმწიფება ცათა სასუფეველის კლიტებზე: „და მოვცემ შენ ცათა სასუფეველის გასაღებს და რასაც შეკრავ დედამიწაზე, შეკრული იქნება ცაში, ხოლო რასაც დახსნი, დახსნილი იქნება ცაშიც“ (მათე, 16.19). პეტრეა პირველი, რომელიც ამოარჩია იესომ ადამიანებთან მისი მცნებების მისატანად, მას შეუბრა სული, რომელიც ადამიანთა მოდგმაზე უნდა გავრცელებულიყო. პეტრემ მიიღო ხელდასხმა ქრისტესგან და მიიღო პირობა (ბეჭედი) იმისა, რომ მოციქულთა მსგავსად ყველას შეეძლო მიეღო უფალი (იესო ამ პირობას გამოხატავს სიტყვებით „შეთანხმების სისხლი“). პეტრე, მოციქულთა შორის, ყველაზე მტად ავლენს გამჭრიახობას და ადამიანურ მხარეს, რაც ასევე მსგავსებას პოვებს ავთანდილის თვისებებთან. პეტრე მოციქული, ანგელოზთაგან განსხვავებით, ხორციელად იშვა, მაგრამ მან მიიღო უფალთან ყოფნის მადლი. რით გამოიხატება ეს „ვეფხისტყაოსანში“? ნესტანიცა და თინათინიც სიმბოლოურად სწორედ ამ სულიერ, საღვთო თვალს გამოხატავენ, რაც მათი ნათელობით, შეზობით დასტურდება. ქრისტიანულ ლიტერატურაში ადამიანის სულიერ წმენდასა და საღვთო სიბრძნის მიღებას სიმბოლოურად გამოხატავს ქორწინება, როგორც უფალთან შეერთება. ნესტანი უგვირგვინოა, რადგან ის ჯერ არაა მოპოვებული, დამსახურებული, ტარიელისაგან, ხოლო თინათინი გვირგვინ დადგმულია, რაც მისი მიმღების – ავთანდილის სულიერ სიმალეზე უნდა მიანიშნებდეს.

ავთანდილსა და პეტრე მოციქულს შორის პარალელები შესახებ ჰიპოთეზას ამყარებს ფატმანის ეპიზოდი, სადაც რამდენიმე საგულისხმო ასპექტი იკვეთება:

1. ფატმანი ნებსით სცოდავს, წინასწარგანზრახულად, რასაც წინ უძღვის ყოყმანი, შიში, რადგან მან იცის, რომ „ყმა ვინმე, კეკლუცი, ტან ნაკუთიანი“ (1108,ბ; გვ-355) მოვა;
2. ყმა, რა ნახავს ავთანდილს, ამბობს: „ჰგავსო, თუ გზა კლდისანი“ (1108,გ; გვ-355). იესო პეტრეს კლდეს უწოდებს: „გეუბნები: შენ ხარ პეტრე და მე ამ კლდეზე ავაშენებ კრებას, რომელსაც ვერ სძლევს სამარის ჭიშკრები“ (მათე, 16, 18);
3. ყმას ფატმანის ბეჭედი აცვია, რომლის გამოსყიდვაც ხდება მისივე სისხლით, ავთანდილის მიერ, რაც მოგვაგონებს „შეთანხმების სისხლს“, უფლის სისხლით მიცემულ ალთქმას, პირობას სამოთხეში დაბრუნებისას;
4. ფატმანის ცოდვის მხილველი ყმა ქალს ეუბნება: „დიაცო, არ გიშლი ფერთა მი და მოკრთობასა“ (1109,გ; გვ-355). აქ ჩანს უფლისაგან მონიჭებული არჩევანის თავისუფლება: ყმა იქვე შეახსენებს: „მაგარ ცენობ ზვალე პსუსხსა მავა საქმისა მზღვეველად“ (1110,გ; გვ-355);
5. ყმა ჭამნავირია (1214, გ, გვ-373), რაც იესოსკენა მიმართული. იესო მამას სთხოვს „უფალო ამარიდე ეს სასმისი“, მისი ჯვარცმა არის სასმისი, ადამიანთა ცოდვების გამოსასყიდი, რაც ჯვარცმის დროს ძმრის დაგემოვნებით გამოიხატა, ასევე სიმბოლოურად;

6. ავთანდილს წინამძღოლი, გზის მასწავლებელი მიჰყავს ფატმანისგან. გზის მასწავლებელი სიმბოლოურად გამოხატავს სულიერ მოძღვარს, რომელიც უფლისკენ მიმავალი გზის მასწავლებელია;

7. ყმის სრას ბანი აქვს „ზე და ქვე მდგომელი“ (1122,გ; გვ-357), ხოლო ყმა იგი მწუხარებაში მყოფი „ზე-ბანზე“ იმყოფება. ბიბლიაში იხსენიება ჯერ ცა და მერ დედამიწა, უფლის სამყოფელი ზე-ცაშია. „ზე და ქვე“ სიმბოლოურად ცასა და დედამიწას გამოხატავს;

8. ყმაზე ადრე კვდება ქვე ბანზე მყოფი ორი დარაჯი, რაც იესოსთან ერთად დასჯილ ორ ავაზაკს მოგვაგონებს;

9. ყმის მოკვლა იდუმლად ხდება: „იდუმლად მოკლა, თუ ვერცა ცეცანითა, ხელი მოჰკიდა, მინასა დაასკენა, დაკლა დანითა“ (1124, გ; გვ-357). ეს „იდუმლად მოკვლა უნდა მიემართებოდეს ძველი ალთქმისეული ბატკნის (იესოს) შენირვისა და დაკვლის სიმბოლიკას, რაც იესოს მოვლენებისა და ჯვარცმის შემდგომ, ასევე სიმბოლოურად მეორდება ქრისტიანულ ტაძარში (მოძღვრის მიერ ზიარების მომზადების საიდუმლო, რომელიც 7 საღვთო საიდუმლოდან ერთ-ერთია);

10. ავთანდილმა ყმა იდუმლად მოკვლის შემდეგ „ქვესკუნელს მიწათა გარია, მისთვის არცალა სამარე, არცა სათხარად ბარია“ (1125,ბ; გვ-357). ეს გამოხატავს ჯვარცმული ქრისტეს ჯოჯოხეთში ჩასვლას და უფლის უსამარობას. უფლისთვის სამარე საჭირო არაა.

სისხლით გამოსყიდული ბეჭდის ეპიზოდი პარალელს პოვებს პეტრე მოციქულის (და, ზოგადად, მოციქულების) მისიასთან, ადამიანებამდე უფლისგან ხსნის, უფლის სიტყვის, შეთანხმების მხიანასთან. ხოლო ფატმანის სიტყვები; „ნეტარდი, ვინ სისხლი მისი შემახვრეტი ერთი თასი“ (1214,დ; გვ-373) და ასევე: „მე და უსენი შვილითურთ ან ახლად დავიბადენით“ (1129,ა; გვ-358) პირდაპირ მიემართება ზიარებას. ზიარება სიმბოლოურად ხდება ქრისტეს სისხლითა და ხორციით, რაც ახლად დაბადებას, ძველი კაცის განაძრცვას და ახალი კაცის შემოსვლას, ძველი საქმეების გათავისუფლებას ნიშნავს.

კიდევ ერთი ასპექტი, რამაც ამავე ჭრილში შეიძლება დაგვაფიქროს, არის მეგობრების მიერ ნესტანის გამოსხნის შემდეგ კვლავ ქვაში დაბრუნება. ამ ეპიზოდში ხდება საჭურჭლეთა გახსნა. საგულისხმოა, რომ აქ ასმავთი მსაპინძელი, რაც რაფაელ მთავარანგელოზის თასიან გამოსახულებას ეხმარება, ხოლო საჭურჭლეთა გახსნა ნესტანის გამოსხნის შემდეგ ხდება, რაც ასევე ამყარებს ჰიპოთეზას ნესტანისა და საჭურჭლეთა შესახებ. ეს მიმართებანი ასე ფორმულირდება: საჭურჭლე იხსნება ნესტანის გამოსხნის შემდეგ, ნესტანის გამოსხნა შესაძლებელი ხდება „აბჯარი საკვირველის“ დაუფლების შემდეგ, აბჯრის დაუფლება ხდება ავთანდილის მიღების შემდეგ, ავთანდილის მიღება ხდება ასმავთის თანხმობის და შემწეობის შემდეგ. სულიერ ცხოვრებაში ადამიანის სულიერი თვალის ახელა და საღვთო სიბრძნის მიღება ერთმანეთის გარეშე არ არსებობს, ერთი ყოველთვის წინაპირობაა მეორისა და მეორე უცილობელი თანმდევი. ავთანდილი, როგორც საუფლო სიტყვის ადამიანამდე მიმტანი, მოციქული; ასმავთი, როგორც ზეციური შემწე, ნესტანი – ნათელი (თვალის ახელა), ხოლო საჭურჭლე – საღვთო სიბრძნე.

ნათია მჭედლიშვილი  
თელავის იაკო გოგებაშვილის სახელობის  
სახელმწიფო უნივერსიტეტის  
ჰუმანიტარულ მეცნიერებათა ფაკულტეტის  
მეორე კურსის სტუდენტი



სპორტი

# ოლიმპიკადა ფინიშს უახლოვდება

ნელ-ნელა დასასრულს უახლოვდება სასკოლო ოლიმპიკადა, რომელსაც საქართველოს ბავშვთა და მოსწავლე ახალგაზრდობის სპორტის ეროვნული ფედერაცია ატარებს საქართველოს სპორტისა და ახალგაზრდობის საქმეთა სამინისტროსა და სპორტის შესაბამის სახეობათა ეროვნულ ფედერაციებთან ერთად. ზოგიერთ სახეობაში უკვე გამოვლინდნენ საქართველოს ჩემპიონები, რომლებიც ივნისში ანაკლიაში, მომავლის ბანაკში გაემგზავრებიან.

მაგალითად, დასრულდა შეჯიბრება ფრენბურთში, სადაც ფინალში ერთმანეთს დასავლეთ და აღმოსავლეთ საქართველოს ზონალურ პირველობებში გამარჯვებულები შეხვდნენ ერთმანეთს. გოგონებში ჩემპიონი ბოლნისის გუნდი გახდა, ბიჭებში – წყალტუბოს ზონის სოფელ მაღლაკისა.

გოგონებში დასავლეთ საქართველოს წყალტუბოს მე-4 საჯარო სკოლის გუნდი წარმოადგენდა, აღმოსავლეთს – ბოლნისის №1 საჯარო სკოლა. ფინალური შეხვედრა ბოლნისელებმა ბევრად უფრო ძლიერად ჩაატარეს და ორივე პარტიაში დიდი ანგარიშით იმარჯვეს: 25:10; 25:11.

ვაჟებში ფინალურ თამაშში გამოსვლის უფლება აღმოსავლეთიდან ქალაქ გორის მე-7, ხოლო დასავლეთიდან მაღლაკის №1 სკოლამ მოიპოვეს. გოგონებისგან განსხვავებით, წყალტუბოელებმა ამ ფინალში წარმატებას მიაღწიეს, შეხვედრა 2:0 დამთავრდა მაღლაკელთა სასარგებლოდ.

აღსანიშნავია, რომ წლებგანდელ სასკოლო უნივერსიდაში, ფრენბურთის ტურნირში, ქვეყნის 1200-ზე მეტი საჯარო სკოლის 6000 მოზარდი მონაწილეობდა. ოლიმპიადის უდაო მიღწევას, რომ მონაწილეობაგან 4 მოსწავლე ქვეყნის სხვადასხვა ასაკობრივ ნაკრებებში მიიწვიეს.

ასევე დამთავრდა ხელბურთელთა შეჯიბრებაც, რომელსაც სპორტკომპლექსმა „არენამ“ უმასპინძლა და გაიკვავ ქვეყნის ჩემპიონებიც. დასავლეთ საქართველოს, გოგონებშიც და ვაჟებშიც, ფოთის ნიკო ნიკოლაძის სახელობის მე-2 საჯარო სკოლა წარმოადგენდა, აღმოსავლეთის

ჩემპიონის რანგში კი თბილისის სკოლები წარდგინეს: ვაჟებში – 161-ე, გოგონებში – 175-ე. ფოთელთაგან დასახულ მიზანს გოგონებმა მიაღწიეს და თბილისელთა დიდი წინააღმდეგობის მიუხედავად, 12:5 მაინც იძალეს. სამაგიეროდ, თბილისელებს ვაჟებში დარჩათ გამარჯვება – 27:18, თუმცა, ამაში გასაკვირიც არაფერია იმის გათვალისწინებით, რომ 161-ე სკოლის გუნდს, ახლო წარსულში, ეროვნული ნაკრების ლიდერი და ევროპის ერთი-ერთი წარმატებული ხელბურთელი ტიტე კალანდაძე ავარჯიშებს.

სასკოლო ოლიმპიადის პროგრამაში შემავალ სხვა სახეობებში ჯერ ისევ გრძელდება შეჯიბრებები – ზოგან ჯერაც რეგიონულ ლიდერებს არკვევენ, ზოგან კი ზონალური შეჯიბრებები იმართება. მაგალითად, 28 მაისს ქუთაისის მე-7 საჯარო სკოლის დარბაზში ზონალური თამაშების დასავლეთ საქართველოს ტური გაიმართა ბადმინტონში – გოგონებშიც და ვაჟებშიც, რომელშიც მონაწილეობა მიიღო ლიხს იქითა რეგიონების ყველაზე წარმატებულმა 3-3-მა სკოლამ. აქ ორივე შეჯიბრებაში უძლიერესი ქუთაისის 21-ე სკოლის გუნდი აღმოჩნდა, რომელმაც მოიპოვა კიდევ საქართველოს ჩემპიონატის ფინალურ მატჩში ასპარეზობის უფლება.

მაგიდის ჩოგბურთში კი ჯერ თბილისის რეგიონული პირველობა დასრულდა, შეჯიბრებას დედაქალაქის 161-ე სკოლამ უმასპინძლა, სადაც მაგიდის ჩოგბურთის დიდი ტრადიცია აქვს. ვაჟებში 16, გოგონებში კი 8 სკოლა წარმოადგენდა, მათ შორის არც ერთი არ იყო კერძო სკოლა, ყველა საჯარო გახლდათ. გოგონებში 164-ე, ხოლო ვაჟებში 90-ე სკოლებმა მოიპოვეს გამარჯვება.

პარალელურად, ამბროლაურში, ქუთაისში და სხვაგან ტარდება ამავე ოლიმპიადის ფარგლებში შემავალი „მხიარული სტარტები“. სპორტის სხვა სახეობებს რაც შეეხება – ფუტბალი, მაგიდის ჩოგბურთი, კალათბურთი და მძლეოსნობა, ფინალები ივნისში გაიმართება.



## ახალი პროექტი ახალგაზრდობისთვის

საქართველოს სპორტისა და ახალგაზრდობის საქმეთა სამინისტროს, საქართველოს ფეხბურთის ფედერაციისა და ახალგაზრდული მოძრაობა „ჯანსაღი და ნათელი მომავლისთვის“ ერთობლივი ძალისხმევით თბილისისა და რეგიონებში უკვე მიმდინარეობს ახალი პროექტი, რომელიც ითვალისწინებს სოციალურად დაუცველი და მზრუნველობას მოკლებული ბავშვებისთვის 6-თვიან საფეხბურთო კურსს. მასში ჩართულია შესაბამისი კონტინგენტის მოზარდები.

„მზრუნველობამოკლებული და სოციალურად დაუცველი ბავშვებისა და ახალგაზრდების მხარდაჭერის პროგრამის“ ფარგლებში ქუთაისში, „საქართველოს კარიტასის“ და „ეს-ო-ეს ბავშვთა ფონდის“ მცირე საოჯახო ტიპის ბავშვთა სახლებში მცხოვრებ მოზარდებს საჩუქარები გადაეცათ – სპორტული ფორმები, ინვენტარი, ხოლო რამაზ შენგელიას სახელობის სტადიონზე საფეხბურთო მატჩი გაიმართა ამ კატეგორიის ბავშვთა მონაწილეობით, რაც მათთვის დიდი საჩუქარი გამოდგა.

### „ლიდერის“ ლიდერები

ბოლო უქმეებზე ძიუდოს აკადემიამ ახალ ტურნირს უმასპინძლა – „ლიდერის თასი“, რომელიც ორ ასაკობრივ ჯგუფში, 2001-2003 და 2004-2006 წლებში დაბადებულთა შორის, ჩატარდა. ძიუდოში ტურნირები აღარ გვიკვირს, მაგრამ ეს ახალი შეჯიბრება მნიშვნელოვანია იმიტომ, რომ საერთაშორისო მასშტაბის იყო. თბილისში საჭიდაოდ ბაქოდან ერთი, ხოლო სომხეთიდან ორი გუნდი ჩამოვიდა – ერევნისა და ვანაძორის. ოთხი მონაწილე ყაზარდო-ბალყარეთის დედაქალაქ ნალჩიკიდანაც წამოსულა, თუმცა ლარსის საბაჟოზე მხოლოდ ერთი გამოუშვათ და ისიც – ბეტალი კაბერდოვი (66) ფინალში გავიდა.

მასპინძელთაგან შეჯიბრებაში ქვეყნის თითქმის ყველა კლუბმა მიიღო მონაწილეობა, რასაც მუნიციპალიტეტების გუნდებიც დაემატნენ. მასში ქვეყნის ყველა რეგიონი იყო

წარმოდგენილი და მონაწილეთა რაოდენობაც შთამბეჭდავი გახლდათ – ორივე ასაკში 530-მდე მოზარდი გამოვიდა, რომლებმაც კარგი საწვრთნელი გაცვეთილი მიიღეს.

ამ ტურნირმა კიდევ ერთხელ წარმოაჩინა საკლუბო სისტემის დადებითი მხარე – მისი ორგანიზება კერძო კლუბმა „ლიდერმა“ ითავა (სახელწოდებაც აქედან მოდის), რითაც დიდი საჩუქარი გაუკეთა მოზარდებს. გარდა იმისა, რომ კლუბებში გაერთიანებული მოზარდები ფინანსურ მდგომარეობას ცოტათი მაინც იუმჯობესებენ და იღებენ სატურნირო პრაქტიკას, უცხოელებთან, ანუ განსხვავებული საჭიდაო სკოლის წარმომადგენლებთან, სპარინგის, ძალების გამოცდის საშუალებაც უძლევათ, რაც აქამდე ჩვენთან მხოლოდ ნაკრების წევრთა პრეროგატივა იყო. არადა, სხვა სტილის ფალანგებთან ძალების მოსინჯვა სპორტული დაოსტატებისთვის პაერივით აუცილებელია.

ბუნებრივია, მედლების უმეტესობა მასპინძლებს ერგოთ, ხოლო ოქროები მხოლოდ მათ დაისაკუთრეს. უფროს ასაკში ჩემპიონები ლუკა კვარაცხელია (38; ზუგდიდი), დავით ბახბახაშვილი (42; თელავი), გიორგი ლურსმანაშვილი (46; ქარელი), გიორგი გიორგაძე (50; თელავი), ლუკა კაპანაძე (55; მარნეული), გიორგი ნასყიდაშვილი (60; ხაშური), შამილ გიგლეშიანი (66; სამგორი), გიორგი შერაზაძე (73; ლიდერი), ნიკა ხარაზიშვილი (81; ქარელი) და ბაჩო ვარდიანი (+81; ლიდერი) გახდნენ; უმცროსებში კი – ლუკა ჯეირანოვი (27; კაიზერი), მათე აფციაური (30; წყალტუბო), გიორგი ნოზაძე (34; ხაშური), სანდრო ბერუაშვილი (38; თბილისი), ვახტანგ პავლიაშვილი (42; შევარდენი), თამაზ კობერიძე (46; თბილისი), სანდრო ლოლაძე (50; ჯორჯია), დავით კეთილაძე (55; წყალტუბო), ნოდარ ალაფიშვილი (60; შევარდენი) და გიორგი მასისურაძე (+60; გორი).

## ხოჯაშვილის ისტორიული მედალი

ნელ-ნელა საკუთარ ისტორიას ქართველი მოჭიდავე ქალეზი ნურენ, ჯერჯერობით, ასაკობრივ შეჯიბრებებში, რამდენიმე წელიწადში ეროვნულ ნაკრებშიც გადავლენ. კვირას, 29 მაისს, თურქეთის ქალაქ იზმირში გამართულ მასპუტ ატალი-

სა და იამარ ერქანის საერთაშორისო მემორიალში ჭაბუკთა შორის გოგონების ტურნირში თბილისელმა თამარ ხოჯაშვილმა (52) გაიმარჯვა, რაც თავისუფალ ჭიდაობაში ქართველ ქალთა პირველი ოქროა. აღსანიშნავია, რომ პირველი ჯილდოც იზმირს და ამავე შეჯიბრებას უკავშირდება – 2013 წელს იქ გორელი გვანცა კარელიძე (38) მესამეზე გავიდა.

ხოჯაშვილი სოფელ დილოში ვარჯიშობს მწვრთნელ ნუგზარ ტატუაშვილთან, ქალთა ნაკრების მთავარი მწვრთნელი კი ევროპის ვიცე-ჩემპიონი ბესარიონ გოჩაშვილია. თურქეთში ხოჯაშვილმა თავდაპირველად ყაზახი აბენ დარიგა 2.50 წუთში წმინდად დაამარცხა. მან ნახევარფინალშიც სუფთად მოუგო კიდევ ერთ ყაზახს – ეიუან სუიდოვას, ამჯერად საამისოდ სულ რაღაც 25 წამი დასჭირდა, ფინალში კი დაძაბულ ორთაბრძოლაში 10:9 აჯობა მასპინძელ ედი ტეკინის. თამარ ხოჯაშვილი და მისი თანაგუნდელები ევროპისა და მსოფლიოს პირველობებისთვის ემზადებიან. სასიხარულოა, რომ ეს არაა ხოჯაშვილის პირველი მიღწევა ამ მოკლე მონაკვეთში – აპრილში რუმინეთში გამართულ საერთაშორისო ტურნირში ის მეორე იყო, ხოლო გულიკო არუთინიანი (43) – მესამე. აღსანიშნავია, რომ მსოფლიოს ჩემპიონატს სექტემბერში საქართველო უმასპინძლებს.

იზმირში ჩვენგან ბიჭებიც ჭიდაობდნენ ორივე სტილში, მათ ჯამში 14 მედალი მოიპოვეს. განსაკუთრებული წარმატებით ბერძენ-რომაელები გამოვიდნენ, რომლებმაც 9 მედალი და გუნდური მეორე ადგილი დაისაკუთრეს: 3 ოქრო, 2 ვერცხლი და 4 ბრინჯაო. მათგან ჩემპიონები ირაკლი ძიმისტარაშვილი (54), ლერი აბულაძე (58) და გიორგი ქაცანაშვილი (85) გახდნენ. ფინალში ლევან გოგუა (69) და ზაზა სილაგაძე (100) დამარცხდნენ, ხოლო მესამე ადგილზე გოდერძი შოთაძე (54), ოთარ აბულაძე (58), ბექა ბუმიძე (63) და ბექა გურული (69) გავიდნენ.

თავისუფალი სტილით მოჭიდავეთა ანგარიშზე გუნდური მესამე ადგილი და პირად პირველობაში მოპოვებული 5 ჯილდოა: თითო ოქრო-ვერცხლი და 3 ბრინჯაო. ჩემპიონი გიორგი გეგელაშვილი (42) გახდა, ხოლო ანალოგიურ წარმატებამდე ერთი მოგება დააკლდა მიხეილ ბოჭორიძეს (76). ამავე წონაში მესამეზე გავიდა გიორგი ბრეგვაძე. მასთან ერთად ბრინჯაოს მედლები რამაზ თურმანიძემ (54) და ლამაზ ბაირამაშვილმა (85) მოიპოვეს.





მიმდინარეობს ხელმოწერა

შეავსეთ სკოლის ბიბლიოთეკა

ქართული მწერლების ნაწარმოებებით

ვაჟა-ფშაველა (10-ტომიანი)

I-VI ტომი - 11 ლარი

მინაილ ჯავახიშვილი (7-ტომიანი)

I-VII ტომი - 12 ლარი

ედიშერ ღიზინი (2-ტომიანი)

I-II ტომი - 15 ლარი

კონსტანტინე გამსახურდია (10-ტომიანი)

I, VI, VII, VIII, IX, X ტომი - 16 ლარი,

II, IV-V ტომი - 18 ლარი

რევაზ ინანიშვილი (6-ტომიანი)

I-VI ტომი - 14 ლარი

ვასტანო ჭელიძე (9-ტომიანი)

I-VII ტომი - 12 ლარი

ბრიგოლ აბაშიძე (6-ტომიანი)

I-V ტომი - 12 ლარი

ოტიბა იოსელიანი (10-ტომიანი)

I, III, IV, V, VI, IX, X ტომი - 12 ლარი

თამაზ ჭილაძე (6-ტომიანი)

I-VI ტომი - 10 ლარი

გოდერძი ჩოხელი (5-ტომიანი)

I-V ტომი - 14 ლარი

მითითებულია თითო ტომის ფასი

თემატური კლასიკები

დაწყებითი კლასებისთვის

(42X59.4 სმ)

- 1. წელიწადის დროები: შემოდგომა-ზამთარი
2. წელიწადის დროები: გაზაფხული-ზაფხული
3. ფერები
4. ბარბული ცხოველები
5. ბარბული ფრინველები
6. პრეზენტები
7. შინაური ცხოველები და ფრინველები
8. პიტიონის ნივთები
9. საოჯახო ნივთები
10. ტრანსპორტი
11. ზღვის ბინადრები
12. ტანსაცმელი
13. სილი
14. გოსტეული
15. ჩემი სხეული
16. ფორმები
17. რიცხვები
18. რის შვილს რა ჰქვია
19. მწერები
20. ამინდი
21. მცენარეები
22. საპირისპირო ცნებები
23. ქალაქი
24. სოფელი
25. სპორტის სახეობები
26. ზღაპრის გმირები
27. ჩემი საქართველო
28. ქართული ანბანი
29. ინგლისური ანბანი
30. რომელი საათია

ფასი - 2.90 ლარი

მალალი კლასებისთვის

(59.4X84.1 სმ)

- 1. რელიგიების წარმოშობა
2. ბარბული ფრინველები საქართველოში
3. ბარბული ცხოველები საქართველოში
4. მწერები
5. ძველმეცნიერები საქართველოში
6. საქართველოს მცენარეები
7. სამხარისო წარმოშობა
8. ნიდაბი - სიცოცხლის წყარო
9. რეპტილიები და დინოზავრები
10. ზღვის დინეები
11. ძირითადი ელემენტების პერიოდული სისტემა
12. ქართული მითების შიგნითა და საგარეო ტიპები
13. მსოფლიოს შვიდი საოცრება

ფასი - 4 ლარი

მითითებულია ერთი ტომის ფასი



წიგნი I
კველი ქართული მწერლობა;
წიგნი II
„ვეფხისტყაოსანი“;
წიგნი III
XIX საუკუნის მწერლობა
წიგნი IV
XX საუკუნის მწერლობა



თამარ გელიტაშვილი,
ამირან გომარტელი

მითითებული კრებულის ფასი - 12 ლარი



საგარეო მსოფლიო და ლაზი
საგარეო მსოფლიო და ლაზი
ქართული მწერლობა


10 ლარი

საყვანელი ენციკლოპედია

თითო ტომის ფასი - 12 ლარი

ავტომობილი
სამუსიკო
უდაბნო
გამომგონებები
ბანკის ძიება
გლადიატორები
დრო და კალენდარი
ქველი ეგვიპტე
ეპროკა

ვიკინგები
ფიზიკა
ახსნილი და აუხსნელი
ფანტაზიები
კომპიუტერი და ციფრული
უკველესი ადამიანები
მათემატიკა
ქველი რომი
ქველი საბერძნეთი



რა არის რა

გთავაზობთ 10 ტომს

ენციკლოპედიის სერიის „რა არის რა“

საყვანელი ფასად.

თითო ტომს, 12 ლარს ნაცვად, 9 ლარად მიიღებს.



ხელმოწერის თანხა გადმორიცხეთ
რეკვიზიტებზე:
მიმღები - შპს „ახალი განათლება“,
ს/კ 202058735, ა/ა GE93LB0113314052305000,
ს/ს „ლიბერთი ბანკი“, ბ/კ LBRTGE22
შურაღვება ფიზიკურმა პირებმა, თანხის
გადმორიცხვისას, მიუთითეთ პირადი ნომერი

მსოფლიო კლასიკები

მკვლარი სახლის ჩანაწერები,
თელურა დოსტოვესკი
ცოცხალი სკოლა, ანდრე ჟიდი
გზა ელიტიზმს, ჯონ ბრაინი
რჩეული მოთხრობები,
ნიკოლოზ გოგოლი
ტალღები მოგზაური,
ალექსანდრე ბრინი
ტკობა,
გაბრიელა დანდანი
დედაჩემი, ალბერტ კოინი
პეპსი,
ალექსანდრე დიუმა
დონ კისეტის დაბრუნება,
გილბერტ კით ჩესტერტონი
დროის ინსტიტუტი,
ავიდე პაფი ტანტინარი
ფი ბრინი,
თელურა ფონტანე
ილინი ვინეტი,
პრესტიჟი მერიკა
პეპსიური მოთხრობები,
ლევ ტოლსტოი
კვარტალი, გინ რიდი
ლუკა ჯიდი,
ჯოჯო კონრადი
გადაგ გოგარი,
გუსტავ ფლოპიანი
სპარსული წერილები,
ზარლ ლუი დე მონტესკიე

მოუთხრობა გულის,
შტეფან ცვაიგი
მოწყობილება,
ალბერტო მორავია
ორი რომანი,
გიგა დელიგანი
პერიოდული მოთხრობების
ტაბა, ვიქტორ ჰიუგო
მოთხრობები,
ალექსანდრე პუშკინი
რჩეული მოთხრობები,
ჯონ გოლდსუორთი
სატანის ელემენტები,
ერნსტ ჰოფმანი
სამხარული ჩრდილოეთი
ჩინეთიდან,
მარგარიტ დიურასი
ძალთა გენდერება,
ვილ ჯოლა
დამოუკიდებელი,
რაფაელ საბათინი
წითელი და შავი, სტენდალი
ტრეპი საბურველი,
სოფრისტო მოვი
ჯაშუხი, ჯიმი კუპერი
ლინტინები,
ვილჰელმ ჰაუზი
უშარი სახურავი,
ჟან ჟირო

მწერალთა კორტრეტები

- (34X47 სმ)
1. მინაილ ჯავახიშვილი
2. მიხეილ ლეონიძე
3. ირაკლი აბაშიძე
4. ნოდარ დუმბაძე
5. აკაკი წერეთელი
6. კონსტანტინე გამსახურდია
7. პოლო იაშვილი
8. სულხან-საბა ორბელიანი
9. პოლიკარპე აბაბაძე
10. გურამ რჩეულიშვილი
11. დავით გურამიშვილი
12. გენიკი
13. რევაზ ინანიშვილი
14. თეიმურაზ I
15. ვასტანო VI
16. მიხეილ მარტოვი
17. ბრიგოლ ორბელიანი
18. დავით აღმაშენებელი

4 ლარი

რეპროდუქციები

- 1. ჰორაციუსის ფიცი,
შპს-ლი დავიდი
2. მწერალთა
თავგანთხიზნა,
დომენიკო გირლანდანი
3. ადელ ზღუბ-გაუპრის
პორტრეტი, გუსტავ
კლიმტი
4. მინიანი,
დომენო ველასკეტი
5. დელფინი სილია,
მიქელანჯელო
6. მხატვრის ბაი,
კლოდ მონე
7. უკლევი შვილის
დაბრუნება, რემბრანტი
8. საბანა,
ოგიუსტ რენუარი
9. საკვირეო გასივრება
გრან შატის კუხრული,
ჟორჟ სიორა

6.5 ლარი

მითითებული ფასი - 15 ლარი



# „დახატე შენი სკოლა“

## კონკურსის გამარჯვებულები დაჯილდოვდნენ

საქართველოს განათლებისა და მეცნიერების სამინისტროს „საგანმანათლებლო და სამეცნიერო ინფრასტრუქტურის განვითარების სააგენტოს“ მიერ, 2015 წლის ნოემბერში, გამოცხადდა კონკურსი სახელწოდებით – „დახატე შენი სკოლა“, მონაწილეობდნენ საჯარო სკოლების VI-XII კლასების მოსწავლეები.



კონკურსს სამი გამარჯვებული ჰყავს:

**ანი კუჭუაშვილი**, საგარეჯოს №1 საჯარო სკოლის მე-8 კლასის მოსწავლე – სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ მიერ გამოვლენილი გამარჯვებული;

**ნინო კლასონია**, თბილისის №64 საჯარო სკოლის მე-6 კლასის მოსწავლე – facebook-ის მონონებებით გამოვლენილი გამარჯვებული;

**ინგა სიხარულიძე**, ჩოხატაურის მუნიციპალიტეტის სოფელ შუა ამაღლების საჯარო სკოლის მე-9 კლასის მოსწავლე – „ესაბის“ მიერ გამოვლენილი გამარჯვებული.

გამარჯვებულებს კომპანია „ესაბის“ აღმასრულებელმა დირექტორმა, **აკაკი ციმაკურიძემ** და საგანმანათლებლო და სამეცნიერო ინფრასტრუქტურის განვითარების სააგენტოს დირექტორმა, **გიორგი შალუტაშვილმა** პლანშეტური კომპიუტერები გადასცეს. დაჯილდოების ცერემონია კომპიუტერული კომპანია „ესაბის“ სათაო ოფისში გაიმართა.

**გიორგი შალუტაშვილი**: „საგანმანათლებლო და სამეცნიერო ინფრასტრუქტურის განვითარების სააგენტომ გამოაცხადა კონკურსი მოსწავლე ახალგაზრდობისათვის, სახელწოდებით – „დახატე შენი სკოლა“. ამ კონკურსის ფარგლებში ძალიან ბევრი საინტერესო ნამუშევარი შემოვიდა, შეირჩა სამი გამარჯვებული. დღეს მათი დაჯილდოების ცერემონიალი გაიმართა.

აღნიშნული კონკურსი ვერ ჩატარდებოდა, რომ არა კომპანია „ესაბის“ თანადგომა, მათ საჩუქრებით უზრუნველყვეს ჩვენი გამარჯვებულები“.

**აკაკი ციმაკურიძე**: „კომპანია „ესაბის“ დიდი სიხარულით მიიღო მონაწილეობა კონკურსის ჩატარებაში. ვფიქრობ, მომავალშიც, ასეთი დონის, ასეთი წარმატებული ბავშვების დაჯილდოება პრიორიტეტი იქნება არა მარტო ჩვენთვის, არამედ ყველასათვის. ვულოცავ გამარჯვებულებს და ვუსურვებ, ეს გამარჯვება მომავალი წარმატებების საწინდარი იყოს“.

**ნინო კლასონია**: „დიდი მადლობა მინდა გადავუხადო



კომპანია „ესაბის“, ასეთი შესანიშნავი პრიზებით რომ დაგვასაჩუქრა. ჩემს ნახატში ძალიან დიდი შრომა ჩავდე და, რა თქმა უნდა, გამიხარდა, რომ გავიმარჯვე. დანარჩენ ორ გამარჯვებულსაც მივულოცავ ამ წარმატებას“.

# ამერიკული საბავშვო მიუზიკლი ჭიათურის თეატრის სცენაზე

ფრენკ ბაუმის საბავშვო ზღაპრის „ოზის ჯადოქარი“ მიხედვით შექმნილი მიუზიკლი ჭიათურის №1 საჯარო სკოლის მოსწავლეებმა დადგეს. ინგლისურენოვანი მიუზიკლი, რომელიც მრავალი წლის განმავლობაში იდგმებოდა ბროდვეიზე, ქართველმა მოსწავლეებმა მშვიდობის კორპუსის მოხალისის დახმარებით მოამზადეს. სპექტაკლის პრემიერას ესწრებოდნენ: საქართველოს განათლებისა და მეცნიერების მინისტრის მოადგილე ლია გიგაური, ამერიკის საელჩოსა და მშვიდობის კორპუსის წარმომადგენლები, სხვა საპატიო სტუმრები.

პროექტის განხორციელებაში ჩართული იყვნენ: ჭიათურის №1 საჯარო სკოლის თითქმის ყველა საფეხურის მოსწავლე, ინგლისური ენისა და ლიტერატურის მასწავლებელი, მუსიკის პედაგოგი და ქორეოგრაფი. სკოლას დიდი დახმარება გაუწია ჭიათურის სახელმწიფო თეატრმა.

**ლია გიგაური**: „ეს სპექტაკლი ჭიათურის სკოლის მასწავლებლების, მშვიდობის კორპუსის მოხალისის და თეატრის ერთობლივი მუშაობის საუკეთესო შედეგია. არ შემიძლია, არ აღვნიშნო, თუ რა დიდი მნიშვნელობა აქვს დრამა პედაგოგიკის ელემენტების გამოყენებას ინგლისური ენის სწავლების პროცესში. ძალიან საინტერესო იყო მუსიკალური ელემენტებისა და ქორეოგრაფიის შერწყმა. ჩვენ ვხვდებით როგორი ნიჭიერი, მრავალმხრივი მონაცემებით, კომპეტენციებით დაჯილდოებული ბავშვები გვყავს და მათთან მუშაობას რა საუკეთესო შედეგების მოტანა შეუძლია. მართლაც შესანიშნავი პროდუქტი მივიღეთ – საინტერესო სპექტაკლი. მაყურებელი და ყველა მნახველი, კიდევ ერთხელ, დარწმუნდება, რომ ჩვენს ბავშვებს შეუძლიათ, ერთდროულად, ინგლისურ ენაზე ისაუბრონ უშეცდომოდ, იმღერონ, იცეკვონ და, რაც მთავარია, წარმოაჩინონ ის ემოციები, რაც თითოეულ გმირს ახასიათებს. მინდა მივულოცო ყველას ეს დიდი გამარჯვება, იმედი მაქვს, ყველა სკოლა გადაიღებს ამ პრაქტიკას და ისინიც შეძლებენ საუკეთესო სპექტაკლების მომზადებას.“

**ასმათ სიხარულიძე**, განათლების პროგრამის მენეჯერი, მშვიდობის კორპუსი საქართველოში: „ჩვენმა მოხალისე ფრანცისკომ და ინგლისურის მასწავლებელმა, ასევე სკოლის სხვა თანამშრომლებმა, თითქმის ერთი წელი, იმუშავეს ამ სპექტაკლის დადგმაზე. პროცესში აქტიურად იყვნენ ჩართული მუსიკისა და ცეკვის მასწავლებლები, ასევე მოსწავლეები. ძალიან სანახაობითი და საინტერესო სპექტაკლი გამოვიდა.“

ბისა და ქორეოგრაფიის შერწყმა. ჩვენ ვხვდებით როგორი ნიჭიერი, მრავალმხრივი მონაცემებით, კომპეტენციებით დაჯილდოებული ბავშვები გვყავს და მათთან მუშაობას რა საუკეთესო შედეგების მოტანა შეუძლია. მართლაც შესანიშნავი პროდუქტი მივიღეთ – საინტერესო სპექტაკლი. მაყურებელი და ყველა მნახველი, კიდევ ერთხელ, დარწმუნდება, რომ ჩვენს ბავშვებს შეუძლიათ, ერთდროულად, ინგლისურ ენაზე ისაუბრონ უშეცდომოდ, იმღერონ, იცეკვონ და, რაც მთავარია, წარმოაჩინონ ის ემოციები, რაც თითოეულ გმირს ახასიათებს. მინდა მივულოცო ყველას ეს დიდი გამარჯვება, იმედი მაქვს, ყველა სკოლა გადაიღებს ამ პრაქტიკას და ისინიც შეძლებენ საუკეთესო სპექტაკლების მომზადებას.“

**ასმათ სიხარულიძე**, განათლების პროგრამის მენეჯერი, მშვიდობის კორპუსი საქართველოში: „ჩვენმა მოხალისე ფრანცისკომ და ინგლისურის მასწავლებელმა, ასევე სკოლის სხვა თანამშრომლებმა, თითქმის ერთი წელი, იმუშავეს ამ სპექტაკლის დადგმაზე. პროცესში აქტიურად იყვნენ ჩართული მუსიკისა და ცეკვის მასწავლებლები, ასევე მოსწავლეები. ძალიან სანახაობითი და საინტერესო სპექტაკლი გამოვიდა.“



**ახალი განათლება**  
 მთავარი რედაქტორი:  
 მარიკა ჩიქოვანი

მისამართი: 0102 თბილისი, ტაბალაშვილის ძ. №3  
 ტელ.: 032 295 80 23, 599 880073  
 www.axaliganatleba.ge axaliganatleba@gmail.com  
 რედაქციის საბანკო რეკვიზიტები: შპს „ახალი განათლება“ ს/კ 202058735  
 ა/ა GE86BG000000123631000GEL, ს.ს. „საქართველოს ბანკი“ ზ/კ BAGAGE22,  
 რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

ISSN 2233-386X  
  
 9 772233 386008 >